

桑植縣志



叙

吏繁劇之地光陰費於將迎精神疲於聽斷簿書
填委翰墨消散固其宜也余仕楚南十餘年所治
僻簡桑植尤荒遠遭逢



聖德誕敷土苗馴擾歲稔時和獄訟用希兼無賓客
往來郵傳頓次之役公餘多暇取舊志刪訂之釐
為四卷文獻既鈔簡帙不繁蓋不敢希才吏之經
濟幹局而托於筆墨復不敢希文人之著書立言
而居於胥鈔拙者之政此亦其一端也夫

桑植縣志

叙

乾隆二十九年甲申冬月錫山顧奎光星五氏識

桑植縣志

卷首

序

凡例

目錄

圖

星野
輿地

卷一

沿革

建置

疆域

附關隘

防鄉

津梁

山水

附陂堰

卷二

桑植縣志

目錄

一

城池

公署

附倉儲

戶口

賦役

附鹽政

卷三

學校

附書院

義學

選舉

兵防


附郵汛

秩官

表附土司

卷四

壇廟 附寺觀 墳墓
 風俗 附節序
 人物 循良 孝義 節孝
 土產 雜記



桑植縣志


目錄

二

縣境圖

桑植縣志

圖




一

桑植縣志




圖



桑植縣志

圖





四

桑植縣志

圖

五



桑植縣志

凡例

一桑邑本土司轄入版圖繞三十餘年土官不學無
文獻可徵茲按舊志採群書叅聞見正訛謬祇取
傳信不妨簡質

一邑志初自馬令世燿稿不存嗣後鍾令人文續修
之總十二卷今志緣以損益草創之勞不可沒也
一星野不可不載然省志宜詳縣志宜簡何者占驗
在通省非一邑事也抄撮天官書何益茲首為一

桑植縣志 卷之首

凡例

一

圖系縣圖之前不別立門而圖方亦備

一各志每門有小序蓋作志者意有所見故發凡於
此非有定例若無意議而為之詞通行套襲甚無
取也是志於各門有所見則序之否則闕取其親
切不為馬首之終

一改土設縣之始舊志全載部文如成案然非志體
也今將改土以前歷朝沿革為表改土後之建置
則編年紀事務在簡要庶異胥鈔

一志體類不宜煩雜今各以類從關隘方鄉津梁附

疆域陂堰附山水倉儲附公署鹽政附賦役書院
附學校郵汎附兵節序附風俗故事增而防文省
一邑境與龍山鶴峰慈利永定等處犬牙交錯改土
後幾經徙折然後勘定舊志疆域止載八至坊鄉
名不全列亦屬踈漏今悉增入并紀道里遠近
一賦役悉遵全書凡有增減附註於後

一學校教化所自出邑學禮器樂器未極明備然必
詳其器數以明守先待後之意

一人物必有德行文章卓犖可傳者方得書桑邑為

桑植縣志

卷之首

凡例

楚邊郵沐浴文教未久罕有聞人前代又無所考
依舊志錄載節孝耆碩數人寧闕毋濫

一舊志藝文篇什寂寥頗無關於邑事今汰之詩文
中凡賦景迹事有所係屬者分附各門不為專卷
一邑雖苗疆然皆土人而苗民裁數百餘戶散處各
里中故不志崗寨亦有銅鐵礦前經開採旋復封
禁故不志礦廠

一志災祥宜自設縣後始未設縣以前雖有災祥不
得羅人故於雜記補之

桑植縣志卷之一

桑植縣知縣無錫顧奎光纂



沿革

桑植為縣田

國朝始溯之前代在宋元明則外半縣屬慈利而內半縣屬土司在唐屬慈利晉宋齊梁屬臨澧漢屬充縣秦屬黔中春秋時屬楚巫中郡自周溯唐虞均屬荆蠻為要服其大較也唐虞以降繫豈無文德豈無武功皆羈縻弗絕僻遠荒畧在聲教之外桑植縣志 卷之一 沿革 一

唐

虞

夏

商

桑植古蠻夷屬荊州地唐虞為要服屬荊州

屬荊州禹屬荊州貢荊州及衡陽嶺捷彼殷武惟荊州東抵奮伐荆楚易楊州西抵梁日高宗伐鬼州北接雍豫方荆始為楚南豫五嶺及西南夷等處皆荊州地也

周

秦

西漢

東漢

屬荊州
宣王時蠻荆
背判命方叔
伐之
春秋時屬楚
為巫中地
戰國時屬楚
昭襄王二十
七年使司馬
錯攻楚黔中
蜀發隴西因
拔之三十年
蜀守若伐取
巫郡及江南
為黔中郡
高祖五年改
黔中郡為武
陵郡置充縣
漢書地理志
注充西原山
西水所出南
至沅陵入沅
行千二百里
入洞庭歷山
澧水下雋入
至下雋入沅
過郡行千二
百里入洞庭
按歷山在桑
植舊司治西
臨今無可攷

桑植縣志 卷之一 沿革

三國 晉 宋 齊
初屬蜀漢蜀
大康四年省
充入澧中後
復於充縣故
址析置臨澧
縣以其側臨
澧水故名
屬臨澧縣
屬臨澧縣

梁 周 隋 唐
屬臨澧縣
建德四年改
開皇中置崇
麟德元年廢
衡州 天門郡
義縣十八年
崇義入慈利
改北衡州曰
隸澧州

五代 宋 元 明

梁開平中澧仍入慈利按
州向瓌與辰宋地理志注為
州宋鄴淑州慈利有索口
易師益率溪安福壬午武
尚諸蠻附馬口澧州五砦
殷屬楚
唐長興三年
馬希範立為
楚王澧州仍
屬楚
周世宗憲德
三年周行逢
立湖南地屬
行逢

折慈利西境洪武四年設
栢溪州即安福守禦千
今上下尚尋戶所二十一
為土官向克年千戶夏品
武所據又分珪子得忠結
上下桑植等九谿蠻作亂
處隸新添葛命靖寧侯葉
蠻安撫司為昇討平之始
土司向仲山築城其桑植
所據千戶夏司如故俱隸
元來干戶夏司如故俱隸
昌珪駐劄安岳州府澧州
福地

桑植縣志

卷之一

沿革

三

利慈十四五
都地
次朝觀又為
長官司各管
為溪宣撫司
栢德四年改
宜州府澧州
岳州府澧州
司如故俱隸
土司栢溪土
築城其桑植
昇討平之始
命靖寧侯葉
九谿蠻作亂
珪子得忠結
年千戶夏品
武所二十一
洪武四年設
折慈利西境

國朝

雍正五年改
土為流七年
置桑植縣隸
永順府

利慈十四五
都地

建置

雍正四年 丙午

桑植土司向國棟恃險負固與容美永順茅岡各
土司尋釁仇殺貪暴不仁民不堪命土經歷唐宗
聖懼禍與土知州向國佐土中軍向朝先國棟弟
國柄國梓請內附

雍正五年 丁未

七月初九日署理湖廣總督傅敏密陳改土歸流
疏言湖南桑植保靖二土司肆虐一方漢土苗民
均受荼毒土人不時擁入內地迫切呼號皆願

桑植縣志 卷之一

建置

四

皇上如天遍覆六合一家何在彈丸之地但漢土雖殊
聖朝赤子豈容土官肆行屠戮前經臣敏具奏奉
御批着謹慎料理今臣等會商查桑植司向國棟世濟

容美司又締婚姻雖容美司田曼如懼服
大成萬無敢於助惡之理然其人桀驁狙詐或以物傷

其類之故陽為不聞陰行煽惑隣近土苗生事阻

撓亦未可定臣等伏查彝陵乃諸土司前路九谿
乃諸土司後路臣等酌量密飭彝陵鎮總兵官整

皇上密諭社森敬謹辦理就近彈壓至其後路議調
州副將周德一暫署九谿協事整頓兵馬以備不
虞併澧州永定兩營聽其節制嚴飭防範則諸土
司皆不敢動而容美無所施其技矣但桑植地方
必須另設同知一員駐劄彈壓土苗清理獄訟責

任非輕臣等查有原任石門縣知縣錢顯祖檢悉

聖恩特授岳州府額外同知該員身受

殊恩自必實心辦理至其衙署有該工司衙署可居無
容修建外臣等再委諸悉苗情叅遊一員俟布置
已畢令該丞會同該將統領官兵三百名直入其
地撫綏寧緝分守汛兵立時可定然後量度形勢
或分屬隣境或建立州縣自無搖動至保靖司彭
御彬貪淫克暴罪惡貫盈隣近土司無不離心近
因謀官奪印一案經臣蘭泰題叅革職現在提審
改流尤易其地界連乾州向係乾州管轄但離州
治四百餘里聲援不及今已新設保靖司同知應
令該丞劉自唐會同守備一員帶兵三百各鎮撫
分汛亦可立定即駐劄其地招徠開墾庶計出萬
全臣等再三酌議所見符合但自揣愚昧不敢草
率為此合詞具奏伏乞
聖上御批訓示施行八月十四日奉

桑植縣志 卷之一

建置

五

上諭桑植土司向國棟保靖土司彭御彬暴虐不仁動

輒殺戮且骨肉相殘土民如在水火朕聞之深加
憫惻既有被害男婦紛紛來歸情願編入版籍以
免殘虐若拒而不納則結怨之土民必至無遺類
矣朕撫有四海內地苗疆皆朕版圖漢土民人皆
朕赤子若一夫不獲當屢朕懷况數十土民安忍
置之度外今俯順輿情俱准改土為流設官經緝
彈厭其應堂審理之舊案着該督撫一併審結俱
帶兵入內官弁等須仰体朕心不得殺戮無辜並

曉諭平日奉法之士司仍各安居樂業不必疑懼
其土民向被桑植保靖二土司殘虐者着加意撫
恤去其苛政務使出水火而登衽席以副朕除暴
安民之意如有助惡黨羽即予剪除倘歸誠向化
皆從寬釋其向國棟彭御彬應安捕何省不令失
所之處着該督撫酌量定議以廣朕法外之仁仍
將比曉諭附近土民咸使悉知朕意楊凱着受為
桑植司副將欽此 是年以原任石門縣知縣鐵
顯祖補授岳州府額外同知十月十二日摘取土
桑植縣志 卷之一 建置

六

司印信十三日上任料理桑植司事務駐劄土司
舊置 以楊凱為桑植協副將領兵鎮厭

雍正七年 己酉

三月二十一日以土司向國棟安置河南開封府
設一府四縣割慈利縣十四都及安福所舊壤
五十里歸併桑植即於安福所築城與永順龍山
保靖三邑穎永順府 銓設知縣典史各一員
以岳州府同知改為永順府通判仍駐桑植司治
督理龍桑二縣捕務

雍正八年 庚戌

奉裁桑植協副將題定以九谿協守備一員千總一員把總一員駐防新街仍聽九谿協遙制又撥把總一員防守縣城外委一員協防凉水口

雍正十二年甲 甲寅

永順府城建始設學銓設教授一員永順龍山保靖桑植四縣各設訓導一員文童額數府學十二

名縣學

八名乾隆二年開考乾隆二十年改訓導缺為教諭

雍正十三年 乙卯

桑植縣志 卷之二

建置

七

上崗長官司向玉衡下崗長官司向梁佐請獻上乾隆元年 丙辰

以上下二崗歸桑植縣管轄原額秋糧仍令桑植縣解徵添設巡檢一員駐劄下崗司街向玉衡向梁佐給把總職銜准子孫永遠承襲

勅向玉衡爾係上崗長官司既無防禦之責亦無管束軍民之任懇請辭職准將原缺裁汰但念爾祖父隨征効力不忍令其廢置特賞給把總職銜准爾子孫永遠承襲若有年力精壯情願隨營差操者

准其食俸效用才具優長者着該管大臣保題照
武職例陞轉欽哉故勅 下崗向梁佐勅書同雍
正十三年十月頒發乾隆元年奉到

乾隆三年 戊午

題定以永定縣茅岡之泥湖塔赤溪巖屋口與慈
利之十四五都之兩溪馬合木匣三口歸桑植縣

管轄

按桑植暨永順龍山保靖四縣舊係土司自明以
前遷徙分折變易不常至我
朝始改土歸流分置郡縣三十餘年來所以安宅而
撫綏之者至矣故既作沿革表又詳舉我

桑植縣志

卷之一

八

朝建置之法表年首事乃知
聖天子聲教暨訖軼漢陵周誠非前王所能彷彿也

疆域

縣地故桑植土司治今文教寧遠十四里是安福城則因安福所之舊嗣又以上下崗長官司土益之編為四里又割茅岡土司地益之又割慈利縣十四五都地益之今民地為外半縣分三溶土司地為內半縣分十八里而茅岡司及安福所所轄又在三溶十八里之外輻輳而成其地牙錯且連山疊嶂膠葛膠礙印畫整齊其亦難矣道里皆臆定言人人殊無尺步可稽迴針繚繞計烏道則徑

桑植縣志

卷三

疆域

九

計人跡則遠四至八到及坊鄉距縣之遠近志其大概已耳

縣隸省城西北東面一百四十餘里南北二百六十餘里東南至西北二百餘里西南東北一百二十餘里周圍六百里有奇

東陸路自縣城起三十里至陳家坪塘又二十里至阮家坪塘又三十里至慈利縣馮中坡塘交界共計程八十里路平

南陸路自縣城起二十里至小溪與永定縣交界路

險

西陸路自縣起城十五里至南岔塘又二十五里至崇嶺崗塘又二十里至新村塘又二十里至雜司城汛又十里至梳子溪塘又二十里至永順縣境萬民崗交界共計程一百一十里路險

北陸路自縣城起二十里至洪家關塘又十五里至桑樹垭塘又二十里至凉水口汛又二十五里至利溪坪塘又五十里至大木坪塘又五十里至湖北鶴峰州境奇峰崗塘杉木界交界共計程一百

桑植縣志

卷之三

疆移

十

八十餘里皆險路

東南陸路自縣城起二十里至水獺舖又二十里至牛落岩抵永定縣源頭塘交界計程四十里係小路

東北陸路自縣城起二十里至洪家崗又二十三里至後溶海龍坪又三十七里至慈利縣木匣口塘交界共計程八十里路稍平

西南陸路自縣城起二十里至桐油崗塘又十五里至泥湖塔塘又五里至永順縣境岩屋口交界共

計程四十里係通府城大道

西北陸路自縣城起六十五里至利溪坪塘又十里
至蒼官峪塘又廿十里至高埠溪塘又十里至新
司城沉又十里至夾石河塘又二十五里至美坪
崗塘又三十五里至扒那崗塘又廿十里至龍山
縣濫排河交界計程約二百里路險
又西北陸路自縣城起五十五里至涼水口又十五
里至排柴口利溪塘又五十里至大木塘又九十
里至杉木界又三十五里至枕頭岩又七里至火

燒嶺與宣恩縣交界共計程二百五十餘里皆險
路

水路自縣而遵依里起地名三瀾子其上多石岩不
通舟其下可通小舟七十里至縣西門外又五十里
與永定縣新灘交界共十餘灘計程一百二十
里

自縣至永順府城陸路一百七十里

自縣至鎮算陸路五百八十里

自縣至湖南省城長沙府陸路一千一百三十里水

路一千三百里

自縣至湖廣省城武昌府陸路一千三百二十里水路一千六百二十里

自縣至直隸順天府城陸路四千一百里水路六千七百里

附五閘三隘 係舊時防禦土司之處

大泉閘即大泉溪縣東十五里通永定縣

洪家閘連桑樹埡地縣東三十五里路通山羊隘原

拒桑植司

桑植縣志

卷之一

疆域

十三

昔時防邊築高壘漢上鴻溝畫於此豪酋竊據各
 紛然豆分瓜剖區疆里南有茅岡北容美怒相仇
 殺歡相倚夜即王何如漢大羈縻誰敢加鞭蕪高
 峰百天壑萬尋怙險負岨良有以
 聖朝威靈何赫然苗蠻來格虞階前土官聞風請納
 土稽顙不復勞戈鋌盡歸版圖列郡縣寨雲撥霧
 瞻青天東西南北一侯尉其宅爾宅畋爾田即今
 疊嶂盡鋤剗漸變崎嶇作平衍深林通透密箐除
 石磴盤盤如蜀棧牛羊滿野稻滿畝西陌東阡往
 來慣左饋右粥門夜開四十年無閉戰結寨憑來
 高險教何豈知凶隘作川塗從比耕桑皆樂土不
 煩銅柱
 界山河

野雞崗即小野溪縣西南五里今名赤溪路通沅湖

塔苦竹河王爾河等處原拒茅岡司

桐油崗縣西二十里地名周家塔通永順縣原拒永順司

魚翅崗縣東四十五里通慈利縣鍾志有野牛崗縣東一百二十里按

地在縣境外屬慈利故不載

牛路隘縣東四十里地名陳家坪通永定縣源頭塘

安溪隘即安福溪縣西北二十里通洪家崗

粟米隘縣西南二十里地名大米界通茅岡

坊鄉

外半縣三溶乾隆三年由慈利縣撥歸勘定以兩溪馬合木匣三口為界乾隆十年奉

桑植縣志 卷之一 十三

部文 徽輸

前溶 縣東南

尚家坪 即街路坪 離城五里

余家鋪 離城十里

王家坡 離城二十里

陽岐山 離城二十五里

東陳岡 離城三十五里

陳家坪 離城四十里

土地埡 離城四十五里

何家坪 離城八里

袁家坪 離城十五里

水獺頭 離城二十里有小市

潮水河 離城三十里

東王坪 離城三十七里

彭家溶 離城四十二里

阮家坪 離城四十八里

安家峪 離城五十里

楠木坡 離城五十二里

走馬坪 離城五十五里

兩溪口 離城六十里

馬當橋 離城三十五里

中溶縣正東

谷家坪 離城二十里

朱家坪 離城十五里

劉家坪 離城三十二里

譚家橋 離城二十五里

鍾家村 離城四十三里

芙蓉橋 離城四十五里

瓦屋坪 離城五十里

麥地坪 離城五十二里

辰子溪 離城六十里

馬合口 離城六十里

桑植縣志

卷之一

坊鄉

後溶縣東北

周家峪 即桐油園 離城二十里

蔡家峪 離城十里

南岔 離城十五里

安福溪 離城十八里

洪家園 離城二十里

海龍坪 離城二十八里

慶家坪 離城三十里

熊家坪 離城三十五里

三屋田 離城五十里

虎捲坡 離城六十里

鍾家岡 離城六十二里

濫船坪 離城七十里

慶家岡 離城七十五里

廖坪 離城七十七里

木匣口 離城八十里

邑令馬世燿
桑植昔隸土司因土官向國棟殘暴不仁土民苦

旨將向國棟遷徙河南隨設官分治因地盡險隘割

舊有之安福所地方五十里歸併桑植雍正七年

築城建署而縣以名焉嗣於雍正十二年上下兩

嶺長官向玉衡向梁佐等輸誠向化呈請獻土幅

頓益遼瀾矣然斯時所居桑土糧納慈庫軍民攬

利所城內之民間有身居桑土糧納慈庫軍民攬

雜亦改設縣治前任張君東義奉文隨同委員常

德別駕朱公燕併慈永兩令會勘大界隨勘定慈

邑十四五都之兩溪馬合木匣三口地方歸併桑

植以免兩縣攙雜力清上憲題達邑民彭西才等

亦隨洋具呈荷各憲洞悉民隱復蒙

皇恩浩蕩具呈荷各憲洞悉民隱復蒙

俞允歸撥無何慈邑僅撥楠木坡虎園坡馬當礮等

處民糧二百二十一兩零去三日各二十餘里不

桑植縣志 卷之十 坊鄉 十五

敷原題請撥之數乾隆四年前任張君復以名存

實奈等事具詳而邑民谷良將谷良學等亦隨詳

具呈請撥迨至乾隆十二年奉准部覆始撥清三

口界限茲利復移撥民糧八百兩七錢零概歸

桑植徵輸前便後井撥民糧三百兩零從此縣界

清而輸將亦便今之熙熙攘攘者殆相忘而不知

文教里 縣西離城四十里

寧遠里 縣西離城四十里

淳風里 縣北上半里離城二十里下半里離城七十

里 宿春風里 覓路入孤村村家早掩門露寒猿嘯嶺月黑虎夔

藩宿鳥時相警寒蟲各自喧如何慰岑寂燈

黃昏
歸化里 縣北上半里離城二百里下半里離城七十

懷德里 縣北上半里離城二百二十里中離城七十

依仁里 縣北上半里離城二百三十里中離城一百

八十里有苗民四十餘戶

武定里 縣西上半里離城一百四十里下半里離城

崇安里 縣西上半里離城二百二十里下半里離城

興賢里 縣西上半里離城二百二十里下半里離城

雲從里 縣西離城二百二十里

桑植縣志

卷之二

坊鄉

十六

遵義里 縣西離城七十里內涼水口駐外委一員有小

在城里 縣西上半里離城九十里下半里離城八十

駐劄 縣內新司城係工司舊署今通判守備千把

嘉樂里 縣西上半里離城一百六十里下半里離城

太平里 縣西離城一百八十里

以上 四里桑植土司舊轄

沾化里 縣西離城四十五里內新村有苗民三十戶

歸德里 縣西離城五十里駐巡檢一員內利泌溪有

長寧里 離城六十里

永康里 縣西離城七十餘里

以上四里上下筒土司舊轄乾隆元年編入里圖

赤溪

縣西南十里即苦竹河與朱家坨相接

泥湖塔

縣西三十里接周家峪內有苗民五十餘戶

名屋口

縣西四十里

以上茅岡土司舊轄雍正十三年獻土原隸永定

衛乾隆三年改衛設縣將赤溪等三處撥歸桑植

朱家坨

縣西離城五里

楊公潭 縣西離城十里

新玉塔

縣西離城十五里

以上安福所舊轄不在三溶十八里之內

桑植縣志

卷之一

坊鄉

十七

按桑邑四面崇山峻嶺居民多以山名其鄉山脊

曰岡則曰某岡山麓曰坡則曰某坡山落平湯曰

坪山之形勢或方或圓高下可居有田有路者名

曰凹

音落

山巔有徑可通往來者名曰埡地無高山

大坡而村居錯落溪流縈繞者謂之溶兩山之間

有田可耕有地可居者謂之峪

余六切音育似峪方言曰又

而狹小者名曰冲地有大坡可稼而居者名曰塔

詳定界文界

乾隆二年常德府通判朱燕奉委勘定界址詳稱查永定地面原屬慈利地方今慈利撥歸永定之十四都暨茅岡司改歸永定地界直接桑植縣城

是永定之北即應與桑植連界惟是桑植縣城原
建於安福所近城四面多屬外縣地治東雜有
慈利之後江治西南北三面雜有慈利之桐油
南公登茅岡司之赤溪泥湖塔岩屋口等處若將
慈利撥歸田地併茅岡司地方全歸永定則桑
邑城垣衙署基址俱在永定界中矣查部覆內載
各縣攙雜田糧俟新縣題授有人與界連各州縣
勘定界限無論軍民糧各就近而方圓田之是
桑植原在應當勘定之內若不為更定則桑植境
土不免攙雜將來仍有議更議改之舉今請一併
就便清釐將來仍有歸永定之後江十四都一區
攙入桑植城東者改歸桑植前江十四都二區附
近永定者仍歸永定以兩溪口涼風界為界此屬
桑植南屬永定其茅岡司之赤溪泥湖塔岩屋口
等處攙入桑植西屬永定此俱歸桑植以大米界為界
壯屬桑植南屬永定此俱歸永定此俱歸桑植以大米界為界
實與就近方圓之部覆一併具間尚有小地名數
處向來攙雜今應乘此一併改撥以歸畫一如桑

桑植縣志

卷之二

坊鄉

十八

植安福所地方之康三峪老田坪趙家崗暨桑植
近城西北面之南公桐油關等處是也查康三峪
屯田坪向屬桑植今隔於兩溪口涼風界之南應
請撥歸永定一再趙家崗一處原屬桑植撥入茅花
界外在慈利界內等情撥歸慈利又慈利十五都
之南公桐油關等處攙雜於桑植縣西二面今桑
植城東慈利地方已經永定轉撥歸桑則十五都
南公桐油關等處即與慈利隔絕不通未便仍留
慈利應請檄飭慈令將五十都之南公桐油關等
處撥歸桑植統以木匣馬合兩溪三口為界東屬
慈利西屬桑邑一轉移間彼此各歸就近永無寄
土攙雜之弊官民更為兩便等因詳奉
上憲據文於乾隆三年三月初四日覆奏初六日奉
行於乾隆三年三月初四日覆奏初六日奉

旨依議

津梁

西門渡即在西門外朱家台渡夫工食係邑令捐給其餘無工食
赤溪渡縣西南五里

苦竹河渡縣西南十五里

閱溪潭渡縣東四十里在鍾家村

南岔渡縣西二十里

洪家崗渡縣北二十五里

小埠頭渡縣西北三十五里

兩河口渡縣北五十里在舊村

五斗潭渡縣北五十里在下崗

桑植縣志 卷之一

津梁

十九

三灘渡縣北五十里在濠子

凉水口渡縣西北五十五里

山行自凉水口至夾石河 邑令顧奎光
夢想不到處崎嶇復此行才華從獲落吏隱未分
明高樹榮危棧連峰斷驛程相逢見野老讓席竟
為榮

午日生微署山風旋作涼休田分白黑瓜架半青
黃野徑隨村起茅柴其樹長肩輿屢登頓最畏涉
高岡

長谷蜿蜒盡峰根豁一門舟橫秋水渡人聚夕陽
村歸鳥鳴喬木寒蛩語壞垣深山太荒寂何處覓
桃源

萬壑夜沉沉茅堂雨氣深螢光度篁竹鬼火出
林暝色催歸騎秋聲減壯心神傷轉出獨塵事苦
侵尋

鹿兒口渡縣北一百餘里在歸化里

自鹿兒口至者角寨峰嶺峻絕水木出茂

一徑翠微深萬木挺蒼秀絕壁巧嵌空細摺衣紋
皴老樹根如石泥沙盡吞漱偃蹇或側生翳蒼三
橫覆青連古藤纏紅雜草花糝中豈無良材惜哉
莫薪樵可少斤斧功爬剔令通透隱巢樓鳩鶉暗
嶺叫猿狖俯窺駭奔瀧仰觀抵巖實是時春晴初
微陽影穿漏冥危棧濕餘雨濺懸溜延緣舟行
遲村舍可宿留野人啜穢墟余意賞出茂勝地不
在名天全處僻陋

市村渡縣北一百二十里在陸家塔

夾石河渡縣西北在新司城上十里

上崗渡縣西七十里

桑植縣志 卷之一 津梁

二十

廖家村渡縣西五十五里

海澗溪渡縣西八十里

分水礮南城外明洪武間建雍正七年胡克紹等重

修

黃龍礮東門外明洪武間建乾隆十一年水廢十二

年鄉約劉君恒等募修

雙溪礮縣東北二十里明天啟五年建

譚家礮縣東北二十里明萬曆二十五年建雍正七

年鍾國世等修

竹溪橋在馬家峪縣東四十里乾隆十二年諸生鍾如山改建石橋

水獺鋪橋縣東二十里楊家凹明洪武間係板橋崇正元年改建

聚龍橋縣東四十里鍾家村明隆慶元年鍾應廣等建後俱鍾氏修

梅家橋亦在鍾家村與聚龍橋同時建

芙蓉橋縣東四十五里明洪武三十一年王世元等修萬歷九年王大福等改建石橋康熙三十九年

桑植縣志

卷之二

津梁

三十一

重修

魚翅崗橋縣東四十五里康熙三十八年建

梅子溪橋縣西南七里

乾隆二十六年建

舒家溪橋縣北七十里孔家村乾隆十二年建十七年修

海龍坪橋縣北三十里明萬歷間鍾明正等建乾隆十年鍾國崑等修

山羊溪橋縣北五十里乾隆十三年把總趙文恒等督同向唐等姓建

山水



桑在萬山中惡溪靈洞昔土司負固之所歸流以
後民生不見外事採山茹美釣水食鮮數十年來
官斯土者徒見山高水清蓋承平已久矣在易井
之九三云王明並受其福今桑人之福繫誰賜歟
夫紀遊叙勝學士之事也若用以著德廣表設險
視點染林壑者為第二義矣

山

陽岐山城東二十里高十二里廣三十里西北濱西

桑植縣志 卷之一

山水

二十三

水下臨湖水泉

彭家山縣東二十里即水獺舖產銅乾隆五年試採

亦奉檄禁止一名黃嘴峪

簸箕山縣東三十里東王坪

楊枝策縣東五十里自青岩山分友至兩溪口止長

十里高一里內有二古寺年久傾頽基址猶存有金風

巖

東音東山脊也

天星山一名天池口城東一百二十里

趙家山城南五里高十二里長廣三十里上有天鵝

堰下有觀音洞老虎洞其山趾曰竹葉山

晚放趙家山

梁溪楊鴻觀

新陰茂夏初殘花媚春杪侵曉履巉巖林谷應啼

鳥霧冷方濛濛疎星猶皎皎我愧青雲流儼出青

雲表暫忘登涉勞生愛國憂好

皇仁被南夷赤子入襁褓商豪紛獻土何曾事征討

分符到郡縣勇練樹成堡茲山雖險巖坦若履周道

原野四望通村落桑麻繞籃輿此中行悠然遇羲

皞

猪母背城南五十里山下老畬砍沙塔口與永定縣

交界

老鴉山城南五十里與永縣分界

檜草坡山在周家界城西十八里為漢士分界處

柔植縣志 卷之一 山水 一高

筆架山城西五十里舊司城前三峰並峙故名

鐵桶埠城西七十里臨澧水峭壁巉岩土司踞險貞

固之所

鐵埠精嵐

一春烟靄累重：海日繞生翠更濃地險昔曾聞

虎踞昇平今喜人竟封樓門碧嶂干寸杵鋤入青

雲四野農乘輿不妨攜謝屐會達山老時雍

鸞嘴山縣北十五里在銅羅坡東

大遠山 即大苑山 在浮風里新杉木界下山脚地名乾溪

源處

余水入花魚泉流蝦蟆潭達元寶河此源河之發

龜山城東北六十里形如龜故名

涼峰山在依仁里有祖師殿

金紫山在依仁里

谷羅山在懷德里有田

冷風山在懷德里

天星山縣北一百四十里與鶴峰州分界

鵝梯山城西北六十里綠水河兩山對峙一水中流

亦舊時避兵處

官寨山城西北六十里與鵝梯山對峙

桑植縣志

卷之一

山水

二十五

桂夫山城西北八十里

鳳凰山城西北一百里層巒聳翠翼然似鳳舊時土

司曾築城嶺上以避兵

鳳嶺朝陽

雙通判溫章元

蠻烟散出洞中村誰向天涯賦負暄今古龍光隨
氣化東南山色稱春溫青松掩映新樵路芳草羨
茸蕩墨痕月穴漸看紅日近九苞靈彩斫高騫

雲朝山城西北八十里脉聯鳳山

九龍山在歸化里大木坪有祖師殿

歷山城西北一百二十里高數十里舊志云澧水發

源於此今無可考產鉛土司特開採洞口尚存

白巖寨城西北一百五十里四面皆白巖陡壁下有
洞深廣可容千人昔人避兵於此

落蕩山即若丹山在雲從里火燒嶺下水落細砂坪分兩

邊流東流江西坪出五道水入源河西流出扒河
入夾石河北東西兩河之發源處

廖家山城北對河舊觀音寺基明成化移寺入城
牛角山縣北四十里舊漢土分界

巖

觀音巖城西南四十五里巖半一龕有觀音像相傳

柔植縣志 卷之一 山水 二十六

為金鑄故名

獅子巖城東五十里狀類伏獅

三星巖姊妹巖城西八十里三峯鼎立

金風巖城東五十里石笋林立風鳴若金奏焉

棋盤巖在縣東北七十里瀟家河之濱

獨笋巖縣西北八十里

四門巖縣西北二百二十里近鶴峰宜恩境

斗巖在懷德里

心巖在遵依里

龜巖在文教里

抱身巖在文教里

將軍岩在淳風里

整字巖在太平里龍山交界

毛巖在沾化里產煤

獨巖在永康里

尖岩在歸德里

洞

觀音洞城南趙家山洞第一重寬可容百人有白

桑植縣志

卷之一

山水

二十七

石如觀音像石髓滴成階級如蓮花然斜下第二

重窄且暗玲瓏四達須攜炬而入再下第三重玉

柱林立其下直抵縣城東門中有三潭深不可測

觀音洞

梁溪楊鴻觀

渾沌忽然破鑄鑿碧嶺穿慈雲藏玉洞頑石化金

龍眠

又

古歙汪應綸

誰將鬼斧闢巖岨屹疊嶂中藏世界寬石髓滴成金

生夏月寒却恨此身聞未得籃輿日日任盤桓

老虎洞城南趙家山與觀音洞相近

風洞城東四十里有穴出風冬溫夏涼

獅子洞城東四十里洞臨半山可容百人相傳昔有
赤白黑三羊出食禾麥逐之入洞中乃三土神逐
後祀獅子巖上

虎牢洞城東歙箕山洞中時有鑼鼓之聲

岩壁洞在沾花里其村曰巖壁村

穿洞在遵依里

夾板洞 牛洞 俱在懷德里

吊洞 土樓洞 芭茅洞 俱在歸化里

扒那洞 塘汛 厄底洞 俱在雲從里

桑植縣志 卷之一 山水 六

美坪洞 塘汛 車那洞 北石洞 羅羅洞 俱在興

賢里

樂查洞 樹落洞 俱在嘉樂里

馬勒洞在依仁里

歌兒洞 有二 一在城里 一在淳風里

膠溪洞 斜卧洞 俱在沾化里

茶溪洞在歸德里

嶺

火燒嶺在雲從里

撒谷嶺在導風里

踞步嶺在依仁里

天福嶺在沾化里

分水嶺有三 一在太平里龍山交界一在崇安里永

順交界一在遵依里七湖溪

坡

鉛廠坡在興賢里產鉛土司時曾經開採今土居之

聶黃教萬傳等姓俱係招來開鑛鉛礦者

蹇家坡在武定里

桑植縣志 卷之一

山水

二九

歷山坡在遵依里

界

杉木界縣北二百四十里與鶴峰州交界高十餘里

涼峰界城東二十里上有古剎下臨紅砂溪產鉄

酸子界城東八十里產鉄

卧雲界城西二十五里產鉄乾隆五年士民謝正敷

等請試採鑛鉄嗣奉檄禁止

蕪落界 浮平界 俱在懷德里

鼓樓界 麋子界 俱在依仁里

媽母界在崇安里

夾石界在武定里

陽雀界在在城里

鐵牆界在淳風里

黃坡界在遵依里

袁家界 耶步界 俱在太平里

羅門界在文教里

岡

崇嶺岡在沾化里 塘汛

桑植縣志 卷之一 山水

長嶺岡在長寧里

黃土岡在在城里

十里茅岡在懷德里

堽

門樓堽城東四十里形似門樓故名

桑樹堽城西北三十五里漢土舊界雍正七年郡守

袁承寵建亭於其上今廢

土地堽 有四 一在懷德里之爐堂溪 一在在城里之

半溪 一在遵依里之隔溪 一在長寧里之桐油塔

堰埡 秋木埡 爛泥埡 俱在懷德里

白果埡 在文教里

銀石埡 芭蕉埡 俱在懷仁里

銍板埡 鐵廠埡 俱在寧遠里

南木埡 大步埡 俱在遵依里

田谷埡 在長寧里

官埡 在沾化里

塔

六家塔 在嘉樂里

桑植縣志 卷之一 山水 五

鹿兜塔 冷水塔 乜斜塔 俱在懷仁里

趕塔 在淳風里

桐油塔 在長寧里

岩板塔 在永康里

崖

峰崖 在歸德里

狗扒崖 在遵依里 三瀾子里 民鄧欽臣倡首鑿石成

路行旅稱便

手扒崖 在歸化里

板橋崖在崇安里

峪

洪武峪在寧遠里

長峪 洪家峪 俱在依仁里

土溝峪 倉官峪 塘汎 俱在淳風里

羊兜峪在懷德里

夏家峪 有二 一在懷德里 一在太平里

坪

二爺坪在淳風里

桑植縣志 卷之一

山水

三

朝南坪 細砂坪 西旗坪 俱在雲從里

大木坪 塘汎 江西坪 沙岔坪 俱在歸化里

金石坪 銀石坪 龍潭坪 白竹坪 松樹坪

苦竹坪 泥西坪 秋樹坪 牙坪 俱在依仁里

金藏坪 樂育坪 俱在懷德里

碩哈坪在雲從里

高埠溪坪在在城里

長坪在文教里

利溪坪在遵依里

洪家坪在歸德里

利泌坪 田谷坪 車那坪 二府坪 俱在長寧

里

砦

接官亭砦

即砦

馬勒洞砦

者果砦

黑砦

俱在

依仁里

得勝砦縣北七里

西竹砦縣北二十里連洪家關

覃家砦在懷德里

桑植縣志

卷之一

山水

三十三

大砦 斜子砦 俱在崇安里

葫蘆壳砦在沾化里

白岩砦在武定里

蜂崖砦在歸德里

魚兒砦在永康里

砦

望鄉砦在雲從里

楓鄉砦在懷德里

七壽砦在永康里

水

西水自縣北九十里橙子界鶴峰州與慈利縣分界
之大泉坪石竅出南流二十里入桑治廖坪榆岩
馬路口經瓦屋坪納濁溪泉水下湖游橋納游魚
泉水小龍潭納後溶溪水抵鍾家村閱溪潭下銀
冢爛出官溪劉家坪西流谷家坪之犀牛潭合湖
水泉馮家爛又南流沐浴坪納前溶諸水復西流
東門潭高家坪合澧水入永定

人日酉水舟中
登櫓展清眺弭櫂時光初重巒紛繞繞澗復彌縈紆

桑植縣志 卷之一 山水 三五

雖微山陰興未與斜川珠幽林間鳴禽澄潭鑑游
魚桂深不嫌僻路轉佳有餘虛烟司空翠縹緲疑
有無幸乏簡書役沿洄任疾徐庶書所歷奴可令
幽懷憶

澧水源不可考在縣境者有四門岩之水杉木界之
水細砂坪乾河之水在北則注於源河在西則注
於夾石河自夾石河過新街至綠水河兩河口又
會永順之水其會總則在兩夾澗之下東流南出
安福溪南流城西合酉水東流赤溪苦竹河下永
定縣之茅岡直達慈利石門澧州而匯同廷舊志
云在歷山坡流出或云源出七眼泉皆非也

澧源說 漢書地理志 澧水所出東至下雋入江過郡
二紆一千二百里 澧水經澧出武陵充縣西歷
山東過其縣南又東過零陽縣之北又東過作唐
縣北又東至長沙下雋縣西北東入於江水經注
澧水自充東迤臨澧零陽二縣故界皆言源出歷
山蔡氏集傳從之說可信 按充縣零陽臨澧即全
慈利桑植向屬土司治 然晉充縣境故謂澧源
出縣境內也 永定莊以寬言澧水源有三一由涼
水口東流一由綠水河北流一由上下筒西流東
流者源出今桑植縣與鶴峰州抵界之地名七眼
泉上有太岩可容數百人 下有七眼泉水湧出趨
源河老司城經涼水口出兩夾澗北流者源出桑
植與龍山縣抵界之栗山坡在桑植西趨夾石河
過新街至綠水河西流者出永順縣境內十萬坪
趨上崗下崗兩江口與綠水河會二十里至兩夾
澗與涼水口之水會 是名龍江口三源合乃一經
南岔東至步福所即今赤溪等水注之南流經苦

桑植縣志

卷之一

山水

三五

行河入永定縣界以寬云會親湖水源得之然亦
不離鑿枵漢書水經所謂歷以既魚可考今縣中
所云歷山坡者又非水源未可牽合附會今詳核
水道別為一圖其為澧源與否由確指也

源河縣西北一百里源出鶴峯州兼納七眼泉之水

不通舟

五道水在源河上流水紆曲杜詩所云溪行一流水

曲折凡屢渡非五水分流也下趨源河流鹿兒口

經涼水口而歸兩夾澗

涼水口河本名兩水口為七眼泉下流源河之水所

經而黃龍泉白龍泉白水泉金藏坪羅峪坪謂萬

俱會焉在縣西北五十五里

夾石河在嘉樂在城西里橋界處即澧水過新司城入綠水河

綠水河縣西北六十里水色如靛即澧水也此河上過鉄桶準即不通舟下則直經縣城下永定縣

南岔河合澧水及上崗河及十八洞水大河之匯也南流城西合西水東下永定離縣二十里

東門河下有潭深不可測上受西水折而西合澧水入苦竹河下永定

桑植縣志

卷之一

山水

三十六

八斗河在蔡家峪縣東北十里出口名八斗溪入東

門河

潮水河源出陽岐山在前塔杜家峪水一日三潮西

流吞家坪入西水在城東南三十里一名潮水泉

上崗河在長寧里縣西七十里由下洞河入西河口

田谷河離縣八十里上接永順官壩河下入上崗河

按鍾志云茄水出龍山縣西南永順縣北界內北流上崗下崗者司城下則上下崗河為茄溪之流矣

冲天溪河離縣七十里源出永順縣界之萬岷岡魚

泉溪由冲天溪洪家坪合上崗河由下崗河入兩
河口乾隆二十七年通判賈 疏鑿始通舟
美坪崗河源出龍山縣界之霧迷大崗所謂十八洞
水也自西東流至美坪筒入夾石河在縣西一百
里

元寶河 認寶河 俱在歸化里

扒河在雲從里

余水河在武定里名雖河實出水

劉家河在懷德里

桑植縣志 卷之一 山水

三七

防勇河在淳風里

溪

安福溪縣東北十八里源出洪家關合南岔河

官溪縣東三十二里一名傘河在劉家坪即酉水之

流也官溪以下可通小舟至東門河

乾溪 有二一在遵依里之穿洞一在歸化里之花魚

泉

媽蝗溪有二一連歸德里之茶溪洞一在歸化里之

沙岔坪

父角溪引四門岩水入源河左歸化里

芭茅溪 拖峯溪 俱在歸化里

比石溪在興賢里

白石溪 官坪溪 俱在嘉樂里

割芥溪在崇安里

梅溪在在城里

土南溪 魚籃溪 秦家溪 俱在淳風里

利溪 隔溪 七湖溪 俱在遵依里

蛇盤溪 果合溪 牛路溪 四方溪 爐堂溪

桑植縣志 卷之一

山水

三十八

俱在懷德里

竹馬溪 驢子溪 白竹溪 戩子溪 三岔溪

俱在依仁里

羊竹溪 上河溪 俱在太平里

小溪 大溪 腰阜溪 俱在沾化里

虎頭溪 麻柳溪 俱在歸德里

洗筆溪 日富溪 墨懶溪 俱在永康里

利泌溪 塘汛 老鴉溪 俱在長寧里

潭

小龍潭在中洛魚翅關縣東四十五里

閔溪潭因水所匯之最深者縣東四十里

犀牛潭在石家坪縣東二十里

車門潭見前

金銀潭在上崗河深不可測

破石潭縣北六十里

羊公潭縣西十里水深廣入車門河

駝背潭縣西七十里入冲天溪河

蝦蟆潭在歸化里納諸細流以達源河

桑植縣志 卷之一

山水

三九

銅鑼潭在雲從里納諸細流以達夾石河

七節潭在長寧里納永順十萬坪之水達上崗河

黑龍潭在依仁里納劉家河水達兩河口

崗子潭 長潭 俱在依仁里

長潭 余家潭 黃凹潭 俱在在城里

芭蕉潭在通保里為三瀾子泊舟之所

母猪潭在永康里

魚浦潭在歸德里

五斗潭在沾化里

泉

黃龍泉在城東陽岐山有石龍形鱗爪宛然

白龍泉在陽岐山路南

濁溪泉縣東五十里瓦屋坪寬一丈高一丈一尺將

旱則水先濁入酉水

白馬泉縣東四十里早兇壘巖形如馬高三丈餘水

從巖口出

遊魚泉城東五十里廣界山南入酉水

土窟泉城西南五里劉家河瀆洞中常作風雷之聲

桑植縣志

卷之一

山水

四十一

門外九竅透入數里有水最清涓涓不絕旱時禱

雨輒應

鴉鵲泉縣西北十五里在鸞嘴山

龍眼泉縣西北五十餘里地名小埠頭

白水泉縣東北六十里水從石壁下如足練入涼水

口

見龍泉城西五十里在上崗

陽魚泉縣西北一百里水長至旱水竭至雨產陽魚

其流入源河

鮎魚泉城西南十三里近蒼竹河出鮎魚

鯉魚泉城西北六十里近兩河口

風鸞泉縣西北六十五里綠水河

洎兩河口

邑令顧奎光

總向平沙洎無愁風浪驚空山萬籟絕明月冷泉

聲

蓬矮低頭坐艤長致脚眠順流多觸險薄暮好停

船

昏昏嵐霧深不見魚樵舍為愛聽風泉繫纜楓林

下

星星一燈明獨照榜人語此地非津通休教熟教

住

溫泉縣西北五十里有水自石罅流出四時皆溫諸

桑植縣志

卷之一

山水

四十一

生吳安國砌石為池以資灌溉

溫泉

不事華清出故宮亂山深處響玲瓏沙頭好煮仙人芋澗底應然隱士松漱石每疑聞舜樂枕流端喜卧堯封近來鄉思知多少一洗塵間芥蒂胸

花魚泉在歸化里大遠山下出蝦蟆潭匯元寶河

七眼泉有二一在歸化里大巖屋下源河之旁一在

興賢里鉛殿坡下兩處巖下泉眼甚多出湯魚木

改土時官擇眼大者用石砌用筍取魚膏餘小眼

始聽民筍取魚大者亦必呈官驗明方敢攜歸其

七眼乃人力砌成非天然者亦非各河發源之處

今五道水上之眼砌石崩塌已多堆塞

潮水泉在懷德里白馬塢上每旱時泉水來潮水即
至

七里泉在長寧里

惡風泉在依仁里間有風隨泉出入過之輒病

瀾

小里瀾 洪家瀾 俱在依仁里

麥柞瀾 在歸化里

醜里瀾 鹿子瀾 碁盤瀾 俱在寧遠里

桑植縣志 卷之三 山水

四十三
四十三

鹿皮瀾在嘉樂里

三瀾子在遵依里 以上八瀾不通舟

兩夾瀾在淳風里東為商民張三益修西為諸生吳

安國謝正勳修

峰崖瀾在歸德里通判賈 疏鑿

魚兒瀾在永康里里民向梁仁修

頭頭瀾在沾化里商民周復興疏通 之以上四瀾今
通舟

灘

羊公潭灘

陡灘

斜水灘

陳家灘

箭灘

蠟魚口灘

暴灘

鍾家灘

馮家灘

蜂岩灘

蟠桃景灘

柳金灘

馬鼻子灘

岑堤灘

紅岩灘

五雨五錢灘

栗子浪灘

公母灘

桐車灘

牯牛灘

桑植縣志

卷之一

四

破石灘

三百篙灘

秦家溪灘

葫蘆亮灘

小溪灘

門限樑灘

大溪灘

犁担絞灘

將軍灘

筍坝灘

二五灘

池

鴨兒池在文教里

筍箕池在崇字里

金鷄池在懷德里

濠

紅石濠 黃石濠

港

鯉魚港 小港 俱

湖

南湖在嘉樂里

泌落湖在依仁里

看落湖在興賢里

桑植縣志 卷之一

山水

四十五

洗末湖在遵依里

溝

畚刀溝有二 一在太平里 產鉄 一在遵依里

井

鉄箍井南城内其多不過一勺挹之不涸居民行汲

鱗次而進水亦最清

陂堰 附

羊公潭陂

洪家閔陂


豐裕壩 上尚八

龍塢堰

珠石堰

全田堰

白馬堰
四堰俱在縣北
雁岫坪



東坡集卷之六
山水

沁山羊溪一路山總

峰巒障土人不知名

之類

周家山縣西北二百二十里

牛成山縣北二百四十里路最險峻

袁家寨縣北一百十五里在袁家界有崗產硝土

岩窩口縣北一百二十里在大壁村產硝土

桑植縣志 卷之一

山水補遺

四十七

喇叭崗縣北一百二十里在舍壁村產硝土

者果寨縣北一百二十里由鹿耳口入有崗產硝土亦

名者角寨

前窟崗一名車岩崗縣北一百三十里產硝土

峰崖崗縣西七十五里產硝土令疏冲天溪河砌塞

澤岩崗縣東六十里在麥地坪舊產硝土今塞

泉峪峒縣東六十五里與澤岩崗相近亦硝土

右九崗舊皆產硝今壘砌封禁故志之其餘山崗甚多或有名或無名不能悉志

赤溪見前坊鄉

羊溪縣北五十里路最陡險有橋

扒茅溪縣北一百三十里

梳子溪縣西北九十里在新司城

高埠溪縣西北八十里寬平有田

黃蓮溪在上崗縣西南六十里

桑植縣志卷之二

桑植縣知縣無錫顧奎光纂



城池

縣之設城宜在南坨負山面水厥勢爽塏次凉水口次新司城則陸路要會也今城因所城之舊增高埤薄而已前昂後偃東西長南北短因山高下雉堞欹側不逮永順城遠矣其廨署祠宇因陋就簡偏仄湫隘無可展舒由曩時經始者但以囊金積帛為巧而不知長久遠大之圖在上者但以尅

桑植縣志

卷之二

城池

一

期集事為能而不核堅完瑕脆之實故不足以壯觀曜而重守禦子曰無欲速無見小利作事謀始而以輕村任之可乎哉

城即安福所舊址明洪武二十五年千戶李樵築至國朝雍正七年邑令連際穎監造易土以磚石共費帑銀九千六百二十七兩七錢九分九釐零跨峯而立東南依山西北帶水袤一里廣半之周三里三分計五百九十四丈基高一丈二尺磚砌女牆三尺共高一丈五尺脚寬一丈三尺面寬七尺東

西南北門樓四東曰承恩西曰化成北曰嘉獻南
城山高無徑可通不設門城內自東門過文廟為
東街折而南至西門為西街自西門外至渡口為
西關街左右民居視設縣初漸稠密矣

按安福所城明洪武二十五年千戶李樵築周五
百五十三丈廣二丈五尺高一丈七尺南阻山東
西為門各一舊屬慈利此澧州志所載舊志不書
疎矣澧州志載元至正十九年置安定栢溪二州
註云二址無考因以辰溪縣南二十里之市溪實
之牽合太遠桑植舊志云宋末栢溪苗叛向克武
奉調勦平以功授栢溪宣撫司職其地即今之上
下二崗似有據今上下二崗司其先文牒書街俱稱
栢溪州宣撫司此可証也澧州志又載明太祖洪
元年甲辰罷安栢二州洪武四年設安福麻寮二
城池

桑植縣志 卷之二

城池

二

所是安福所名設於明初舊志云元末千戶夏昌
珪昌璋駐劄地不知元時千戶是何所名也舊志
載洪武二十三年頒正印一顆百戶印二十顆倉
印一顆吏目一員約束軍民倉吏一員收納糧米
二十四年招民種附郭田納屯糧以贍軍伍參以
澧志則築城在二十五年亦無不合惟酉水守禦
千戶所未知設於何年今據諸軍籍所存舊牒有
安福所而無酉水所乃舊志於疆域門註酉水所
舊墟今高家坪離城不遠豈建而旋廢耶又載宣
德四年裁汰冗員止存千戶三員朱其昌高維嶽
袁懋功則千戶之設不止安福所一員是固無可
徵考矣

公署

縣署在城東北係安福所官衙舊址雍正八年設縣
邑令連際穎造頭門一座儀門三間左土地祠右
監獄進儀門為甬道中有戒石亭邑令張秉義更
建木坊兩翼為吏廡大堂三間額曰親民堂左右
為庫藏堂後為宅門進宅門川堂一間東西房四
間二堂三間額曰慎硃堂堂左書房一間乾隆二
十五年邑令顧奎光重修三堂三間曰深寧堂乾
隆二十五年邑令顧奎光建慎硃堂西幕寮三進

桑植縣志

卷之二

城池

三

共九間庖屋三間慎硃堂東為內宅正房三間前
有亭邑令張秉義建東有迎曦閣臨城邑令鍾人
文修後房三間其左從屋一間其右從屋三間亦
邑令顧奎光改建

登迎曦閣

官齋可登眺小閣喜初晴城隱風篁色泉流雪水
聲地偏塵事簡欲淡道心清不得高明趣誰據望
遠情

典史署在縣署西前後三進書房一間土地祠一所
左右班房二間

下崗巡檢署在縣北歸德里即土司舊宅頭門三間

大堂三間內宅四間

教諭署在文廟右頭門一間向南儀門一間向西大堂三

間堂右廂房二間二堂三間內宅三間廂房三間

明倫堂舊在文廟西今改為崇聖祠以教諭前廳

改為明倫堂邑令鍾人文修

駐防署在城西隅頭門聽堂住宅前後四進外馬房

三間

新司

駐防通判署雍正八年建照牆頭門儀門大堂五間

桑植縣志 卷之二 公署

兩翼吏皂房二堂三間右書房三間內宅前後三

進

守備署即土司舊宅頭門官廳旗廳五間儀門三間

門三根大堂三間二堂三間內宅三間羣房九間

署西屋二重後一重房五間前樓五楹旁貯炮位

後有箭道在鳳凰山前頭門儀門羣房俱

雍正八年添建署西屋二重向連守備署因以貯炮位軍裝乾隆

二十五年署通判李宏照請改作義學守備魏國

以部案爭之府檄邑令廟奎光勘議因請以後一

重改建義學而前樓房制寬廠為文武祝
聖廟賀行禮讀法之所仍屬營員經管署通判復添
建頭門三間曰萬壽宮

千總署雍正八年建頭門三間大堂三間住房三間
羣房四間

把總署雍正八年建頭門三間大堂三間住房三間
羣房四間

倉儲附

常平倉廩八間在城西門內編定天地黃宇宙
月字號邑令鍾人文以地勢潮熱捐俸重修廩底
易以礎石可免朽蠹倉旁構屋三間前有一亭中
供厥神左右兩廂典守者棲焉

桑植縣志

卷之二

公署 倉儲

五

常平倉穀原額八千二百七十九石四斗二升一合

雍正七年於湖北鹽道庫內領銀三十兩雍正八
年秋收後買穀六千六百六十六石六斗六升七

合 雍正十年買補減糶穀石添增盈餘穀二十
四石七斗五升四合 乾隆五年買補減糶穀石

又添增盈餘穀十石 乾隆七年奉文撥領承順
縣官庄穀價三百二十二兩買貯穀七百石 乾

隆十年奉文添買截漕易穀一千石因僅 銀四
百一十二兩六錢六分止買穀八百七十八石

兵穀五百八十八石九斗接濟汛兵每值春時出借秋

收該營照減糶價值移還買補 雍正七年辰永道
王榮捐廉四百兩

買穀八百八十八石九斗 乾隆五年買補盈餘
穀二十石 乾隆十年奉文移撥四百石貯新街

通判署就近 以上共穀八千七百八十八石三斗
借濟兵食

二升一合乾隆十四年奉文裁去穀二千七百八十八石三斗二升一合變價解司實存穀六千石每年兵穀即在六千石內出借乾隆二十二年正月奉文以桑植社穀不及一千不敷出借着於常平倉內酌撥穀五百石入社倉作本接借俟本息充裕歸還常平現在實貯穀五千五百石

本城社倉即在常平倉側乾隆十一年建南北二間僅貯穀二百數十石地極卑濕難以實貯穀石寄頓民舍邑令鍾文捐資修建二大間可貯穀六

桑植縣志 卷之二

倉儲

六

百餘石

本城社穀原額七百二十五石九斗四升雍正十一年邑令張

秉義捐貯社穀三十石十二年民捐社穀三百

四十一石三斗七升內於乾隆十一年將穀一百

三十四石二斗撥入新司城社倉乾隆二十一

年借撥常平倉穀四百石作社本俟社息充裕後

歸息穀自雍正十一年起至乾隆十年止設社長

還息穀並未借放收息嗣後每年續增

二人司出入焉

新司城社倉二間編定豐裕字號社穀原額二百三

十四石石二斗乾隆十一年本城社倉撥穀一百三

平倉穀一百設社長一人

石息穀有冊

育嬰堂在城西隅乾隆二十一年邑令鍾人文改建
宗文書院以舊有之義學改為育嬰堂然無月廩
之費邑中亦無以嬰孩入堂者

養濟院在縣治東門內院宇六間邑令鍾人文修葺
以棲孤貧

縣獄在儀門右典史署左進虎頭門監房三間女監
二間獄神祠一間祠旁卡房一間禁卒居之

戶口

縣民最雜糅由慈利撥歸者曰民籍舊土司治者曰土籍舊衛所轄者曰軍籍苗曰苗籍自外縣遷移來者曰客籍籍有五民數則土四之客六之客戶則江西廣東及湖南湖北各州縣之民無不有其來者多失業無籍之徒狡而獷悍異時土人淳良客戶強則欺之或煽而導之今土人亦詐且健訟矣治桑者務辨其籍而於客戶必嚴治焉如姑息之則累於土民其始土民招客戶繼則客戶自

桑植縣志

卷之二

戶口

八

相招引且有春來秋去如雁戶然者尤其蠹也

原額人丁

接管慈利縣先後撥歸人丁二十六丁二分

接管九裁衛原併安福所屯丁三丁

又接管九裁衛原併安福所閑丁四丁七分九釐六

絲五忽

以上丁銀已載入賦役內

滋生人丁

雍正九年編審滋生人丁七丁

乾隆元年編審滋生人丁一丁

乾隆六年編審滋生人丁十八丁

乾隆十一年編審滋生人丁二十六丁

乾隆十六年編審滋生人丁二十九丁

乾隆二十一年編審滋生人丁三十二丁

又乾隆九年編審滋生閑丁一丁

乾隆十四年編審滋生閑丁一丁

乾隆十九年編審滋生閑丁一丁

以上九屆共滋生人丁一百二十八丁滋生閑丁

桑植縣志

卷之二

戶口

九

三丁欵奉

恩詔永不加賦

煙冊民數

雍正七年設縣雍正十一年奉文攢造稅糧戶口冊籍故載自是年起

雍正十一年額編戶二千一百一十五戶大小男婦

六千一百四十九口雍正十二年上下崗歸併及

乾隆三年乾隆十年先後撥歸慈利十四五都併

木厘馬口兩溪三口乾隆二十一年查造煙民合

算增至戶一萬六千六百八十五戶大男婦四萬

三千四百一十八口小男女二萬九千二百三口

合計大小男婦女七萬二千六百二十一
乾隆二十五年查編客民煙戶一萬二千五百四十
七戶大男婦三萬三千二百五十六名口小男女
二萬一千五百七十六名口土民煙戶八千零三
十一戶大男婦二萬四千六百五十一名口小男
女一萬六千一百四十二名口苗民煙戶一百六
十三戶大男婦六百二十名口小男女三百九十
六名口合計客土苗民煙戶二萬零七百四十一
戶大小男婦九萬六千六百四十一名口

賦役

原額丁銀

接管慈利縣先後撥婦人丁二十六丁二分每丁徵

九分七釐二毫七絲六忽九微五塵三纖五渺

該徵丁銀七兩七錢八分八釐六毫五絲六忽一

微八塵一纖七渺原經 題請於糧帶徵

原額田糧

接管慈利縣後江十四都民賦下則成熟田六頃四

千畝二分六釐四毫六絲一忽四塵七纖二渺每畝

桑植縣志

卷之二

賦役

十一

科糧三升二該糧二十一石九升六合七勺一抄

合九勺五抄八撮九圭一粒五粟每畝科條銀二分五釐七毫九絲五忽九塵九纖二渺六

漠六該銀一十六兩五錢一分五釐六毫八絲九

忽一微八塵三纖六渺三漠二茫六漂每畝科九釐餉銀九

釐六毫六絲七忽七微七塵四纖二渺五漠四茫該銀六兩一錢八分九

釐九毫三絲三忽七微一塵六纖八渺六漠八茫

五沙四漂

又康熙五十三年全墾田七十一頃八十畝九分四

釐三毫九絲一忽五微八塵八纖照道州下則每畝科糧一升七

合下勺 該糧一百二十二石九斗三升七合七勺
二抄 該糧一百二十二石九斗三升七合七勺
五抄九撮八圭三粒九粟每畝科條銀一分七釐
塵四纖七渺 該銀一百二十八兩八錢五分二毫
六漢六芒 該銀一百二十八兩八錢五分二毫
九絲六忽四塵六纖八渺二漢三芒二沙六漂每畝
科九釐餉銀六釐上毫五絲一忽 該銀四十四兩
九微七塵七纖七渺八漢四芒 該銀四十四兩
八錢九分五釐一毫一忽八微三塵二渺三漢一
芒七沙二漂

中則地二十八畝四分九釐九毫每畝科糧 該糧六
斗二升六合九勺七抄八撮每畝科條銀一分七
釐二毫二絲二忽八

桑植縣志 卷之二

賦役

十二

微二塵八纖 該銀四錢九分八毫三絲三忽三微
三漢八芒

七塵六纖二渺五漢四芒九沙六漂每畝科九釐
餉銀六釐四

毫五絲四忽九微六 該銀一錢八分三釐九毫五
塵三纖八漢三芒

絲九忽九微九塵二纖九渺二芒四沙二漂

下則地一十頃五十三畝三分七釐四毫每畝科糧
一升二合

三該糧一十二石九斗五升六合五勺二圭每畝
科條

銀九釐六毫二絲九忽一微 該銀一十兩一錢四
二塵六纖五渺八漢五芒

分三釐七絲一忽五微八塵七纖三渺四漢七芒

七沙九漂每畝科九釐餉銀三釐六毫八忽 該銀
九微一塵一纖一渺七漢八芒

三兩八錢一釐五毫三絲三忽二微三纖二渺一
漠四芒五沙七漂

基園一項一十七畝四分九釐四毫每畝科麥糧一升八合二勺七

抄該糧二石一斗四升六合六勺一抄五撮三圭

八粒每畝科麥銀一分一毫八絲九忽三微五塵七纖七渺九漠該銀一兩一

錢九分七釐一毫八絲八忽四微四纖一渺七漠

八芒二沙六漂每畝科九釐餉銀五塵一毫六絲五微五塵三纖四渺三漠三芒

該銀六錢二分九釐八毫三絲二忽八微六塵五

纖五漠六芒九沙

桑植縣志 卷之二

賦役

塘一十二畝五分六釐每畝科糧一升五合該糧一斗八升八

合四勺每畝科條銀一分一釐七毫四絲二忽該

銀一錢一分七釐四毫九絲三塵六纖四渺七漠

四沙一漂每畝科九釐餉銀四塵四毫一忽該銀

五分五釐二毫七絲七忽九微五塵六纖五渺八

漠四芒八漂

又接管三口鍾家崗上則田一項三十七畝八分每畝

科糧四該糧六石四斗七升六合六勺每畝科條

升七合該糧六石四斗七升六合六勺每畝科條該銀五兩七分二毫四

絲四忽三纖二渺六漠八沙每畝科九釐餉銀一分三釐七毫九絲一
微四塵八纖該銀一兩九錢二毫八絲二忽五微
九渺四茫
一塵八纖九渺七漠一茫二沙

中則田二頃五畝八分每畝科糧該糧八石八斗四

升三合六勺每畝科條銀三分二釐八毫七絲九

沙該銀六兩七錢六分六釐六毫九絲二忽五微

六塵四纖九渺六漠九茫九沙六漂每畝科九釐餉銀一分二

釐三毫二絲三忽一微該銀二兩五錢三分六釐

一塵一纖三渺四漠九絲六忽三微一塵三纖三七渺七漠二茫

桑植縣志 卷之二

賦役

下則田六頃二十三畝每畝科糧該糧二十三石五

升一合每畝科條銀二分八釐九毫六絲五該銀

一十八兩四分五釐六毫九忽五微四纖九渺五

漠一茫每畝科九釐餉銀一分八毫五絲該銀六

兩七錢六分三釐三毫三絲三忽二微七塵三纖

九渺四漠八茫

中則地九頃三十五畝每畝科糧該糧二十三石三

斗七升五合每畝科條銀一分九釐五毫七絲一

該銀一十八兩二錢九分九釐二毫五絲四忽七

微九塵六渺三漠 每畝科九釐餉銀七釐三毫三絲五忽一微八塵五纖三渺二
漠一該銀六兩八錢五分八釐三毫九絲八忽二
微七塵五纖一渺三漠五芒

下則地一十一頃七十畝三分六釐 每畝科糧一升三合九勺九抄

五該糧一十六石三斗七升九合一勺八抄八撮

二圭 每畝科條銀一分九毫五絲六忽五 該銀一

十二兩八錢二分三釐九絲三微八塵八纖九渺

二漠五芒七沙五漂 每畝科九釐餉銀四釐一毫六忽二微三塵六纖七渺四

漠三 該銀四兩八錢五釐七毫七絲五忽二微三

塵四纖五渺三漠七芒四沙八漂

基園九十四畝 每畝科麥糧一升 該麥糧一石七斗八合二勺七抄

一升七合三勺八抄 每畝科麥銀一分一毫八絲九忽三微五塵七纖七渺九

漠該銀九錢五分七釐七毫九絲九忽六微三塵

二纖二渺六漠 每畝科九釐餉銀五釐三毫六絲五微五塵三纖四渺三漠三芒

該銀五錢三釐八毫九絲二忽二塵二纖七渺二

芒

以上共接管民賦田地基園塘一百二十一頃九十九畝九釐五毫五絲二忽六微三塵五纖二渺

共科糧二百三十九石五斗九升五合七勺四抄
五圭三粒四粟

共實徵條麥銀二百一十九兩三錢七釐二毫五
絲九忽五微一塵九纖七渺四茫二沙五漂

共實徵九釐餉銀七十九兩一錢一分三釐四毫
一絲八忽二微三纖九渺二漠三茫九沙一漂

通共接管民賦丁條併九釐餉共銀三百六兩二
錢一分九釐三毫三絲三忽九微五纖三渺二漠
八茫一沙六漂

接管撥歸麋皮京捐銀四釐九絲七忽三塵五纖九
渺六漠八茫七沙一漂

原接管九裁衛原併安福所

原額屯丁銀

屯丁三丁 每丁徵銀二錢

該徵丁銀六錢原經 題請於糧內帶徵

原額田糧

九裁衛原併安福所屯生慈利縣中則田一百六十
四頃四十七畝三分七釐 每畝科糧三升八合 該糧六百二

十五石六抄每畝科屯餉銀二分七釐一毫七絲該屯餉銀四百四十六兩八錢七分五釐四絲二忽九微

屯坐慈利縣下則田六十三頃八十七畝八釐二毫

六絲每畝科糧三升一合該糧一百九十七石九斗九升九

合五勺六抄六圭每畝科屯餉銀二分該屯餉銀

一百四十一兩五錢六分九釐六毫八絲五忽八

微二塵九纖

上下二崗一則田五頃五十八畝二分每畝科糧二升一合五勺

該糧一十二石一合三勺每畝科屯餉銀一分五釐三毫七絲二忽五微

該屯餉銀八兩五錢八分九毫二絲九忽五微

以上共田二百三十三頃九十二畝六分五釐二

毫六絲共科糧八百三十五石九勺二抄六圭

共科屯餉銀五百九十七兩二分五釐六毫五絲

八忽二微二塵九纖內除乾隆三年分於一件飭

議添設縣治等事案內撥歸澧州屬之慈利永定

二縣管轄荒熟屯田三頃七十一畝六分五釐五

毫三絲二忽一微六塵三纖五漠六圭二抄八漂

屯糧一十三石二斗三升八合八勺五抄七撮七

粒三粟屯餉銀九兩四錢六分五釐七毫八絲二
忽八微七纖八渺八漠二茫三沙九漂

實存田二百三十頃二十畝九分九釐七毫二絲
七忽八微三塵六纖九渺四漠三茫七沙二漂

實存糧八百二十一石七斗六升二合六抄三撮
五圭二粒七粟

實存屯田銀五百八十七兩五錢五分九釐八毫
七絲五忽四微二塵一纖一渺一漠七茫六沙一
漂

除册卸中下二則田一百三十七頃九十八畝七
分四釐

册卸糧五百石一斗四升八合三勺九抄

册卸屯糧銀三百六十一兩一錢八分一釐九絲
八忽八微五塵

雍正十年開墾陞科屯餉按則科派應減銀九微
九塵二漂

實在成熟田九十二頃二十二畝二分五釐七毫
二絲七忽八微三塵六纖九渺四漠三茫七沙二

漂

成熟糧三百一十六石六斗一升三合六勺七抄

三撮五圭二粒七粟

實徵屯餉銀二百二十六兩三錢七分八釐七毫

七絲五忽五微八塵一纖一渺一漠七苙五沙九

漂

通共接管九裁衛原併安福所丁餉共額銀五百

九十七兩六錢二分五釐六毫五絲八忽二微二

塵九纖

桑植縣志

卷之二

賦役

十九

除撥歸併冊卸無徵共銀三百七十兩六錢四分

六釐八毫八絲二忽六微四塵七纖八渺八漠二

苙四沙一漂

實徵銀二百二十六兩九錢七分八釐七毫七絲

五忽五微八塵一纖一渺一漠七苙五沙九漂

秋粟糧銀 在城歸化依仁遵依懷德嘉樂宗安寧
遠文教武定淳風雲從興賢太平一十

四里土

民日報

下

田一十五頃六十一畝四分

每畝派徵銀一分二釐二毫九絲六忽九

微三塵六纖

八漠三苙

該派徵銀一十九兩二錢四毫三絲

六忽

粟地一十六頃三十畝四分每畝派徵銀二釐九毫

織三渺八四絲三忽七微九塵六該派徵銀四兩七錢九分九釐五毫六

漢七芒
絲四忽

以上田地共三十一頃九十一畝八分額徵秋糧

銀二十四兩又雍正十二年分於請

旨事案內首墾額外水旱田地二頃七十一畝八分

科秋糧銀二兩四錢六分六釐八毫五絲三忽二

微五塵八纖二渺一漠三芒八沙

桑植縣志 卷之二 賦役 二十

通共土民額內額外田地三十四頃六十三畝六

分

共實徵秋糧銀二十六兩四錢六分六釐八毫五

絲三忽二微五塵八纖二渺一漠三芒八沙

通共民屯秋糧鹿皮京損共銀五百五十九兩六

錢六分九釐五絲九忽七微八塵六渺二漠八芒

二沙六漂

戶部項下

起運丁條銀二百二十七兩九分五釐九毫一絲五

忽七微一纖四渺四茫二沙五漂

九釐餉銀七十九兩一錢二分三釐四毫一絲八

忽二微三纖九渺二漠三茫九沙一漂

屯餉銀二百二十六兩九錢七分八釐七毫七絲

五忽五微八塵一纖一渺一漠七茫五沙九漂

秋糧銀二十六兩四錢六分六釐八毫五絲三忽

二微五塵八纖二渺一漠三茫八沙

工部項下

接管慈利縣撥歸麂皮京捐銀四釐九絲七忽三塵

五纖九渺六漠八茫七沙一漂

戶工二部共實徵銀五百五十九兩六錢六分九

釐五絲九忽七微八塵六渺二漠八茫二沙六漂

班匠

接管慈利縣撥歸班價銀一錢八分四釐九毫三絲

七忽七微八纖三渺六漠一茫一漂

闔縣通共民屯條餉秋糧麂皮京捐班價共銀五

百五十九兩八錢五分三釐九毫九絲七忽四微

八塵八纖九渺八漠九茫二沙七漂

接管另派不准優免奉裁充餉實徵丁銀三兩一錢

六分一釐九毫六絲一忽三微一塵八渺八漠一

茫二沙二漂查造奏銷例不入分數

額外報墾田地

接准慈利撥歸雍正十一年於請

旨事案民人首報水田五十畝每畝科銀二分七釐一毫七絲徵銀

一兩三錢五分八釐五毫旱地七十三畝每畝科銀二分

二釐一毫徵銀一兩六錢一分八釐四絲五忽共

六絲五忽田地一項二十三畝共徵銀二兩九錢七分六釐

桑植縣志

卷之二

賦役

五毫四絲五忽

乾隆六年於請申勸墾等事案內土民首報水田

八十三畝五分每畝科秋糧銀一微銀一兩二分

六釐二毫一絲旱地五十九畝每畝科銀二微銀

一錢七分三釐四毫六絲共田地一項四十二畝

五分共徵銀一兩一錢九分九釐六毫七絲

存留經制款項

知縣

俸銀四十五兩

門子二名 每名歲支工食銀六兩 共銀一十二兩

皂隸一十六名 每名歲支工食銀六兩 共銀九十六兩

馬快八名 每名歲支工食銀六兩 共銀四十八兩

民壯五十名 每名歲支工食銀六兩 共銀三百兩 內於雍正八年奉撥

一十三名作本府通判護衛存縣三十七名

轎傘扇夫七名 每名歲支工食銀六兩 共銀四十二兩

看監禁卒八名 每名歲支工食銀六兩 共銀四十八兩

庫子四名 每名歲支工食銀六兩 共銀二十四兩

斗級四名 每名歲支工食銀六兩 共銀二十四兩

桑植縣志

卷之二 賦役

典史

俸銀三十一兩五錢二分

門子一名 歲支工食銀六兩

皂隸四名 每名歲支工食銀六兩 共銀二十四兩

馬夫一名 歲支工食銀六兩

又乾隆元年奉文添設

下崗司巡檢

俸銀三十一兩五錢二分

皂隸二名 每名歲支工食銀六兩 共銀一十二兩

弓兵十四名 每名歲支工食銀六兩 共銀八十四兩

訓導 於雍正十二年十月初三日 禮部議覆准其添設訓導一員於乾隆元年奉文添設

俸銀三十一兩五錢二分

加品俸銀八兩四錢八分

門斗二名 每名歲支工食銀七兩二錢 共銀一十四兩四錢

齋夫三名 每名歲支工食銀一十二兩 共銀三十六兩

廩生六名 於乾隆十五年奉文添設每年廩糧銀一十四兩四錢 膳夫銀三兩九錢六分

共一十八兩三錢六分 乾隆十四年始於藩庫請領支給

科舉盤纏銀 每縣一十六兩六錢

桑植縣志 卷之二 賦役 二十四

會試長夫銀 每縣八兩

歲貢花紅銀 每縣一十兩

均徭

各舖司兵一十一名 每名歲支工食銀六兩 共銀六十六兩

內縣前總舖舖司三名 余家水獺楊公潭相油關四舖 每舖各舖兵二名

祭祠

文廟二祭共銀四十兩

關帝廟三祭共銀三十五兩七錢四分二釐

崇聖祠二祭共銀六兩

名宦鄉賢二祭共銀六兩 雍正十二年題請新設

方衍赴領司庫地丁致祭

山川壇二祭共銀一十兩

社稷壇二祭共銀一十兩

邑厲壇三祭共銀一十八兩

厲祭米折銀一兩二錢六分

香燭米折銀一兩二錢六分

先農壇春祭銀一兩七錢八分 此項於乾隆元年在

藩庫領銀三十七兩四錢置藉田四畝九分併祭器農具牛隻其穀

石以乾隆二年為始五年減糶除每年祭銀一兩

桑植縣志

卷之二

賦役

七錢八分餘銀解司充餉

以上官俸役食祭祀等項共銀一千百三十八

兩八錢四分二釐 內除名宦鄉賢祭銀六兩俟將

來題報有人方行動項致祭

又先農壇祭銀包在藉穀內支用外

實支司庫地丁銀一千一百三十一兩六分二釐

又雍正十三年奉文添設

孤貧一十名 每名歲給米三石六斗布花銀三錢

其米照該年秋收時價核算銀數於司庫地丁銀內發買給領復於乾隆四年奉文照

下江一例每名每日給米一升遇閏加增小建扣除如無本色米石照湖南兵米之例每

石折價銀六錢於司庫地丁銀內支給

土司

接管永定縣撥歸茅岡土司認納秋糧銀一兩六錢

六分五釐八毫五絲七忽每年解司充餉

雜稅

田房稅銀歷係儘徵儘解之項原無定額

閑丁錢糧

九裁衛併原安福所閑丁五丁內除乾隆三年

為飭議添設縣治等事案內改歸澧州屬之慈利

永定二縣定額閑丁四丁七分九釐六絲五忽

桑植縣志

卷之二

賦役

二十六

實徵丁銀九錢五分八釐一毫三絲遵奉

恩詔以康熙五十三年丁冊定為常額又於乾隆二

年為詳請丁隨糧派等事案內題准

部覆自乾隆三年為始隨糧帶徵

鹽政附

額引


每年額引一百四十三道

每引改子鹽四十三包每包重八觔定價二錢四分

係照雍正七年設縣初編戶口定額其續改上之上下尚等處所添戶口未增鹽引

額餉

每引雜項帶於正項徵銀八錢共計徵餉銀一百一十四兩四錢就淮運司庫交納
本年鹽引鹽餉均於次年四月奏報
係淮商黃
景福承辦



景福承辦

卷之三

賦役

頁

桑植縣志卷之三

桑植縣知縣顧奎光纂



學校

邑之建學未久而基趾苦卑棟橈柱蠹陳丹暗粉
蓋屢修矣此剏始者苟簡之過也若庠序之士讀
書綴文罕遠大之志然其習尚樸茂為多記曰忠
信之人可以學禮追琢金玉之宜有成器以應作
人之化者

學官在縣治西雍正七年前令連際穎董治共用銀

桑植縣志 卷之三 學校

一

一千三百一十九兩零中為大成殿額懸

御書與天地參題額翼以兩廡前為大成門右為

尊經閣門外為月官橋洋池櫺星門中為屏環

以垣東西為黉門外設下馬牌

崇聖祠應在大成殿後因殿後即城垣限於地乃建

於櫺星門左明倫堂又在大成殿右乾隆二十一

年邑令鍾人文以規制未協移明倫堂於學署前

而以其地改建崇聖寺於官牆右建節孝祠教諭

胡一鳳有記

重修文廟記
 曠代醇儒處有守而古以有為者教諭胡一鳳
 學按為根木之地從古設學自改土否則亂載在
 史冊有明徵也桑邑之國帑而董斯役綠其時祠
 七年公解相繼並建米用石柔脆兼收以故廿餘
 廟公解相繼並建米用石柔脆兼收以故廿餘
 年風雨漂搖岌岌乎漸就頽圯乾隆己亥冬抄
 邑候鍾公質存以賢能調任茲邑下車謁聖目擊
 即愴即志修葺其謂是聖靈憑依之所吾輩誦其詩
 讀其書顧坐聽其上漏下濕揀歌壁斜而不早為
 之圖何以致安佑展誠敬乎乃屬余集邑人早謀
 所以修葺之者眾背踊躍樂從但功大費繁慮難
 辨候遂倡守捐賢余亦不敢以綿力辭用是鳩
 工亢村築瓦之經始九正殿之反局以堅固垂久為
 閣木植磚瓦之街朽壞者易之局以堅固垂久為
 聖官原坐東街在標星門左局以堅固垂久為
 非宜改建於大成殿西堂基版宏而陋增麗兩翼
 墻垣為土木築高不反肩侯概削平深砌基址購

桑植縣志 卷之三

學校

二

買厚磚疊積而升空明縹緲處為費門左高文餘半
 前即擣星門外兩旁出入處為費門左高文餘半
 咬右顏曰起鳳規制誠整以勸完以美也而四配
 十哲兩廡先儒牌位候又敬凜如左也濟濟瞻瞻
 告薦幣陳牲之下擣擣皇呈凜如左也濟濟瞻瞻
 明有恪也我候豈不謂殫精竭刃於根本之地者
 哉至若名官鄉賢節孝昔無祠于候了以舊崇聖
 宮改置鄉賢名官於起鳳門側餘地建節孝司無
 者增之以俟將未桑苗疆今而後鴻庥必集好
 立人始有以起色矣况聖靈既妥鴻庥必集好
 學勵行之士行當吐氣揚眉飛黃騰達莫非學授
 之修為之感召是役也功興於丙子九月之朔迄
 丁丑七月告竣是為記

位次

至聖先師孔子神位正中南向木主朱地金書東配

復聖顏子名回字淵述聖子思子名伋字思西配宗聖

曾子名參字子輿亞聖孟子名軻字東哲先賢閔子

損字冉子名雍字仲弓端木子名賜字仲子名由字卜

子騫名商字有子隆三年升附西哲先賢冉子名

于名夏有子隆名若字有乾言子名偃字游顓孫

耕字宰子名予字肉子冉子求字言子名偃字游顓孫

伯牛名師子朱子名熹字元晦康熙東廡先賢蘧子

子張名瑗澹臺子羽名滅明原子子思名憲南

官厚子容名適商子子木名瞿漆彫子子若名開

司馬子伯牛名耕梁子叔魚名鱣冉子子魯名儒

桑植縣志 卷之三 學校 三

伯子子楮名度冉子子產名李漆雕子子文名徒

及魯漆雕子子歛名多公西子子華名赤任子子

選名不齊公良子子正名孺公肩子子仲名定鄒

子子家名單罕子子索名黑榮子子旗名旂左

入子行家名即鄭子子徒名國原子子抗名元廉

子子庸名潔叔仲子子期名會陳子子禽名充琴

子子開名張步叔子子車名乘秦子子之名非顏

子子聲名魯顏子冉名向縣子子象名賈樂正子

名克萬子名章周子茂叔名敦願宋程子伯淳名

願宋洛 邱子老夫 名雍宋 先儒公羊氏 高齊人 伏
 陽人 名勝 秦漢 董氏 名仲舒 漢景帝 后氏近君
 氏 名 鄒平人 名子春 諸葛氏孔明 名亮南 王氏仲
 名蒼東 杜氏 河南人 新增人 歐陽氏永叔 廬陵 名修
 海剡人 范氏 希文 名仲淹 宋 南劍州人 李氏愿
 淹 名通 龍 范氏 希文 名仲淹 宋 南劍州人 李氏愿
 人 揚氏 中立 名時將 羅氏 仲素 名從彥 宋 李氏愿
 申 名 洞蒲 氏 伯恭 名祖謙 蔡氏 仲點 名沈建 陳
 氏 安 鄉 漢 名 淳龍 魏氏 華甫 名了翁 王氏會之 名相
 人 趙氏 仁甫 名復 允 許氏 益之 名謙 東 吳氏幼清
 名澄 崇 胡氏 叔心 名居仁 王氏 伯安 名守仁 羅氏
 仁人

桑植縣志 卷之三

學校

四

元升 名欽 順 西廡先賢 林子 名放 宓子子賤 名不
 人 公冶子子長 名長 公替子李次 名哀 高子子羔
 名柴 樊子子遲 名須 尚子子秀 名澤 巫馬子子期
 名施 顏子子柳 名辛 曹子子循 名邨 公孫子子石
 名龍 秦子子丕 名商 顏子子驕 名高 孺駟子子從
 名赤 石作子子明 名蜀 公夏子子乘 名首 后子子
 里 名處 葵容子子哲 名藏 顏子子襄 名祖 句井子
 子疆 名疆 秦子子南 名祖 縣子子期 名成 公祖子
 子之 名句茲 燕子子思 名及 樂子子声 名款 狄子

子哲名黑子菟名忠子尚孔子
 子孫名丑子厚名載子正名
 子公名子張名子開名子皮名公都
 周名左邱名秦名子開名子常名申名子子
 頤名穎名弟名先儒穀梁名氏名赤名魯名人名高堂名氏名伯名魯名人名隆
 洛陽名人名孔名氏名安名毛名氏名葛名趙名入名大名鄭名氏名康名成名元名漢名人名范
 氏武名子名鄆名晉名韓名氏名退名之名愈名唐名司名馬名氏名君名實名
 光宋名夏名胡名氏名翼名之名海名陵名宋名尹名氏名房名明名洛名陽名人名胡名氏名
 康侯名崇名安名國名崇名張名氏名敬名夫名綿名竹名人名陸名氏名子名靜名宋名九名淵名

桑植縣志 卷之三

學校

五

金雞名黃名氏名直名鄉名閔名縣名人名真名氏名景名元名蒲名城名人名何名氏名
 子恭名金名華名人名陳名氏名可名大名康名都名昌名南名金名氏名吉名甫名祥名履名
 許名氏名仲名平名河名內名人名薛名氏名德名溫名河名津名人名陳名氏名公名甫名名
 獻名章名明名蔡名氏名介名夫名建名清名明名福名陸名氏名龍名其名朝名平名湖名人名
 新會名人名

崇聖祠

正位肇聖王木金父裕聖王祈父語聖王陽叔昌
 聖王伯夏啟聖王叔梁紇東配先賢顏路氏名無名
 伯魚孔氏名鯉名西配先賢子曾名曾名氏名點名公名宜名孟名
 孫名氏名激名東從祀先儒周氏名輔名伯名溫名成名氏名名名均名

李通蔡氏名元西從祀三儒張氏名迪喬年朱氏名松

祭期每歲春秋二仲月上丁日行釋奠禮前三日獻

官陪祭官執事人等沐浴更衣散齋二日致齋一

日同宿齋所先一日省牲次日質明行事

陳設正位帛一色白白磁爵三牛一羊一豕一登一羹

銅二和羹二簋二黍稷十鹿腹棗栗榛菱芡

豆十脾肝豚脂鹿醢兔醢酒罇一

四配每位帛一色白白磁爵三羊一豕一銅一簋二

桑植縣志 卷之三 學校 六

簋二籩八豆八罇一

十二哲東六位六案帛一色白茲爵各一豕一銅各

一簋各一簋各一籩各四豆各四豕首一西六位

同獻官拜位東西各一壇每壇共獻爵三

東廡帛一色白銅爵各一豕三每案簋一簋一籩四

豆四西廡同壇每壇共獻爵三

崇聖祠每位帛一色白白磁爵三羊一豕一銅一簋二

簋二籩八豆八酒罇一

配位每位帛一色白銅爵三豕首一簋一簋一籩四

豆四承肉一

兩廡每位帛一色白同爵三簋一簋一蓬四豆四承肉一

祝文

至聖先師祝文云惟先師德隆十聖道冠百王揭日月以常行自生民所未有屬文教昌明之會正禮和樂節之時辟雍鐘鼓咸恪薦以馨香泮水膠庠益致嚴於遵豆茲當春秋仲祗率桑章肅展微忱聿將配典以復聖顏子宗聖曾子述聖子思子亞聖

桑植縣志 卷之三

學校

七

孟子配尚嚮頌部

崇聖祠祝文云惟土亦葉鍾祥光開聖緒盛德之後積久彌昌九聲教所覃敷率循源而溯本宜肅明禋之典用申宇土之忱茲屆仲春秋聿修祀事以先賢顏氏曾氏孔氏孟孫氏配尚嚮頌部

樂章

迎神樂成平之章無舞

大伏哉仇孔伍子伍先伏覺仇先伍知伏與仇天
天地止參伍萬伏世止之伍師伍祥伍徵仇麟仇

綏 止 韻 仇 答 仇 金 仇 絲 仇 日 仇 月 仇 既 仇 揭 仇 乾 仇
坤 仇 清 仇 夷 仇

初獻樂寧平之章 有舞

予 仇 懷 仇 明 仇 德 仇 玉 仇 振 仇 金 仇 聲 仇 生 仇 民

仇 未 仇 有 仇 展 仇 也 仇 大 仇 成 仇 俎 仇 豆 仇 十 仇

古 仇 春 仇 秋 仇 上 仇 丁 仇 清 仇 酒 仇 既 仇 載 仇 其

仇 杳 仇 如 仇 升 仇

亞獻樂安平之章 有舞

式 仇 禮 仇 莫 仇 愆 仇 升 仇 堂 仇 再 仇 獻 仇 饗 仇 協

桑植縣志 卷之三 學校

伍 鼓 仇 鑪 仇 誠 伍 茅 仇 罍 伍 獻 仇 肅 伍 肅 伍 雍 仇

雍 仇 譽 仇 髦 仇 斯 仇 產 仇 禮 仇 陶 伍 樂 仇 淑 仇

相 仇 觀 仇 而 仇 善 仇

終獻樂景平之章 有舞

自 仇 古 仇 在 伍 昔 仇 先 仇 民 伍 有 仇 作 仇 皮 伍 弁

伍 祭 仇 菜 仇 於 仇 論 伍 思 仇 樂 仇 惟 伍 天 仇 牖 仇

民 伍 惟 仇 聖 仇 時 仇 若 仇 彝 伍 倫 伍 攸 伍 叙 仇 至

伍 今 伍 木 仇 鐸 仇

徹饌樂咸平之章 無舞

牛伏師仇有伏言伍祭伏則仕受伏福伍灯仇海伍
費伍官仕疇仇敢伏不仇肅伏禮伍成仕告伏
徹伍母仇疏伍母仇讀伏樂伍所仕自仇生伏中伍
原仕有仇菽伏

送神樂咸平之章無舞

息伏繹仇峨仇峨伍洙仕泗伏洋伍洋仇景仕行伍
行伍止仕流仇澤伍無伍疆伏聿仕昭伍祀仇
事伏祀伏事上孔仇明伏化伏我伍蒸伏民伏育仇
我伏膠仇庠伏

桑植縣志 卷之三

學校

九

祭品

籩	爵	站	登	銅	簠
簋	鬯	豆	牲盤	俎	毛血碟
饌盤	供案	香鼎	香几	花瓶	燭臺
燭檠	太尊	山尊	犧尊	象尊	雲雷尊
壺尊	尊簋	龍勺	祝版	福尊	昨盤
蠶	洗	燔爐	爨	竿	茅沙池
執爐	提爐	庭燎	盟盆	祝巾	
樂器					

鑄鍾一 編鍾十六架一 特磬一 編磬十六架一

琴 瑟 箎 鳳簫

龍笛 洞簫 雙管 笙

塤 塤鼓一 懸鼓一 鼓鼓一

應鼓一 田鼓 搏拊 祝 敔

舞器

麾 旂 節 籥 翟

桑色僻當楚徽自改土歸流三十餘年廟中禮器樂器俱缺今姑從會典所載存其名異日人文蔚起不欲苟簡菲陋以自外於禮明樂備之世則望於後之君子矣

桑植縣志 卷之三 十

藏書

欽定訓飭州縣條規部一 駁呂留良四書講義部一

聖諭文武扣衷一部 十三經 十二套一百一十八本

上諭二十四本 二十一史 五十套五百本

上諭一部十本 學政全書一部二本

欽定學政全書一部八本 朱子全書一部三十本

御纂諸經 四十四套四本 詩經彙纂二十四本

御撰資治通鑑綱目 三編 四本 書經彙纂二十四本

上諭一道 春秋彙纂二十四本

上諭二道

性理精義五本

欽定明史四套一百一十二本

命語一部

樂善堂文集二部

綱鑑正史約十六本

司馬文正公傳家集十二本

大學衍義補輯要六本

大學衍義輯要二本

小學纂註二本

孝經註解一本

近思錄二本

歷代紀年便覽一本

豫章書院學約一本

訓俗遺規二本

從政遺規二本

養正遺規一本

教女遺規一本

桑植縣志 卷之三

學校

十一

在官法戒錄二本

呂子節錄二本

四禮一本

四禮翼一本

生員額數桑植縣廩增各六名歲科進學各八名

奉部議慈利歸併者取進二名其餘六名俱取土

民撥入府學各四名武童三年一試照文章額

崇文書院在城西隅乾隆二十一年邑令鍾人文

建頭門講堂燕室左右書房及庖湏之所悉具以

舍坐徒延師教授而考校之

義學乾隆五年邑令張業義詳請題定於本城上

下崗新城司設立義學三處每學歲給廩餼銀一十六兩共銀四十八兩赴藩庫支領乾隆十二年邑令趙民牧捐置田一十二兩零三厘三毫給上下崗義學以資膏火乾隆十四年上下崗以路隔窻遠生童往來不便又詳明於上下崗各設一館每年各分廩膳銀八兩其地租亦照數分收乾隆十七年新司城之學亦分一館於涼水口每年各分廩餼銀八兩乾隆二十五年新司城義學地署通判李宏照將士司舊署西宅第二進捐俸修

葺改為義學邑令顧奎光將營汛箭道旁官出二十三坵歲租八石撥入新司城義學以資膏火城中義學向在常平倉西邑領鍾人文既建崇文書院內以其地改為育嬰堂每年廩餼銀十六兩仍歸書院又於乾隆二十三年詳歲支巴耳壁寨灣兩處山地佃租銀二十四兩并廩餼銀十六兩其銀四十兩為膏火費

萬

在新司城土司舊署也樓五楹頭門三楹

其二在城中西關者江右人所建在學官左者邑
令顧奎光建正殿三楹重簷四阿旁為朝房中為
聖諭亭門三闔中扉左右啟九祝釐朝賀俱於此有

記

新建萬壽行官碑
邑令顧奎光

萬壽節皆於行官設所治遇長至元旦及
御坐行慶賀禮州縣未建行官者或在佛寺或在明
倫堂惟桑植縣城內無大寺既明倫堂亦湫隘則
行禮於大成殿奎光以乾隆七年奉
簡命來治縣肅然念曰是舉也敬君尊師二義交失
茲係體統重事不可因循已爰度地學官在旁
尋址蕩基徵才選工建正殿南向重簷四阿西
建朝房二文武異班為待漏之所中為亭以翔

桑植縣志

卷之三

十三

聖諭望宣講
經官更行禮咸列亭成於外為三門闔中扉左右啟
兩有奇邑人春落輸者半其數至揭木員土則
彼鄉民諗以故皆趨未既成奎光暨僚屬吏老
稽拜舞蹈如朝儀禮備而心安焉蓋一歲慶賀
令節不過十餘日辨色始入晨而退為時又非
久故常寓公所伸遠臣望關之敬鮮特建者
然君親大義也朝會重典此而苟簡茲謂不恭
况天威不遠顏尺闕廷雖遠乎瞻雲就日靡
有遐邇敢愆儀以隕越於下而邑為邊徼彼化
也新為官師者事君不肅復何由示之以禮奎
光之建是官也誠以於體大未協故不取即歲
豈欲勤土木而為觀美哉謹勤碑門外以誌歲
月旦告九吏於茲邑者乾隆二十八年夏六月

選舉

貢生

鍾臣南

乾隆二十六年歲貢

鍾臣克

乾隆二十七年恩貢

蕭引鳳

捐貢

向大修

乾隆二十八年府學貢

黎思亮

乾隆二十八年歲貢

監生

向國相

劉啓煥

向大伸

唐德教

陳楚南

黎仲連

桑植縣志

卷之三

選舉

十四

張世功

鍾國柱

熊國偉

吳公官

熊達

李錦相

涂高相

兵防

按明洪武初始授桑植安撫司及上崗長官司又設酉水守禦千戶所二十二年夏得忠潛誘九谿洞蠻作亂命靖寧侯葉昇討平之開創城地乃改設安福守禦千戶所調撥南北省指揮一員千戶四員百戶二十員至所隨編民三戶並沔陽州景陵縣軍人守禦二十三年頒正印一顆百戶印二十顆倉印一顆銅牌五面設吏目一員約束軍民倉吏一員收納糧米分五關三隘撥軍把守二十

桑植縣志

卷之三

兵防

十五

四年招民種附郭田納屯糧以贍軍伍永樂四年因軍餉不濟令軍士三分守城七分下屯盡散撥於澧州各地方其負郭田俱招慈民耕種供米贍軍宣德四年裁汰冗員止存千戶三員百戶三員嗣盡裁汰於所官衙門舊址設塘房一座隸九谿營轄其原設桑植暨上下崗土司各營土兵三年一次朝覲凡承襲朝貢等事皆由所起文詳報土司不專擅此明代兵防大畧也

國朝雍正五年改土之初撥委衡州協暫署九谿營防

禦桑土旋設桑植協副將一員領兵鎮壓嗣奉裁
汰雍正八年題定以九谿協守備一員千總一員
把總一員帶兵三百名駐防桑植司治彈壓仍聽
九谿協選制又撥把總一員防守縣城撥外委一
員協防凉水口塘遠為定制

兵額

馬兵三十名步戰兵五十名守兵二百二十名共兵三百

名除守備各官養廉公費外
實在兵丁二百六十五名

新街駐防共領兵一百五十二名存城兵丁九十名

桑植縣志

卷之三

兵防

十六

分防桑植西南二路塘兵六十二名

縣城駐防領兵一百一十三名存城兵丁二十五名

分防桑植東北二路塘兵八十八名

軍器

弓箭一百二十一副鳥鎗一百四十四桿腰刀二百

六十五口甲冑二百六十五副號掛袍二百六十五

件套褲每名二對鞵鞋每名三隻

以上兵
目制

炮位

衝擊發貢炮三位每位重三百八十觔康熙四十一

年請領到營雍正八年移設桑植防守

旗幟

大纛六面小旗三十面紅旗六面

民壯

原額五十名雍正八年奉撥一十三名隸永府通判

實存三十七名

器械

腰刀十口鳥鎗十七桿弓箭十副大刀十把號排三

十七件

桑植縣志 卷之三

兵防

十七

旗幟

大纛一面小旗五面

弓兵

下崗巡檢弓兵一十四名

校場

本城校場在西關外瀨溪處地平衍營汛操演與考

試武童皆於此寬四畝許演武廳未建

新街校場在十總署東中有演武廳

塘房

陳家坪塘 西至縣城東門三十里東至阮家坪塘三

阮家坪塘 東至慈利縣瀉牛坡交界三十里設兵三

野雞關塘 北至縣城西門五里南至苦竹河塘十五

苦竹河塘 南至永定交界處二里設兵六名

桐油關塘 東至縣城西門二十里南轉至泥湖塔塘

泥湖塔塘 西南至永順縣交界處五里設兵五名

洪家關塘 南至縣城西門二十里東轉至桑樹壩塘

桑樹壩塘 東轉至凉水口塘二十里設兵六名

凉水口塘 北至利溪坪塘二十五里名委一員設兵

桑植縣志 卷之三 兵防 十八

利溪坪塘 北至大木坪塘三十里西南至倉官峪塘

倉官峪塘 西至高準溪塘二十五里設兵五名

高準溪塘 西至新司城十五里設兵六名

六兒口塘 南至利溪坪塘三十里北至鶴峰州交界

大木坪塘 南至利溪坪塘三十里北至鶴峰州交界

以上塘房十四處共兵八十八名係本城駐防

管轄

南 岔塘 東至縣城西門十五里北至崇領崗塘十

崇領崗塘 西至新村塘二十里設兵五名

新村塘 西南至潭口塘二十里設兵六名

潭口塘 西南至利泌溪塘二十五里設兵五名

利泌溪塘 西南至永順縣交界五里設兵六名

舊司城塘 北至新司城二十里設兵五名

夾石河塘 南至新司城十里北轉至美坪崗塘二十里設兵六名

美坪崗塘 西至扒那崗塘三十五里設兵六名

扒那崗塘 西至龍山縣交界十里設兵十一名

梳子溪塘 東至新司城十里西至永順縣交界十里設兵六名

以上塘房十處其兵六十二名係新街駐防管轄

桑植縣志 卷之三 兵防 十九

舖遞

總舖 在縣前舊設兵二名

東路 達慈利縣當地舖

余家舖 兵二名

水獺舖 兵二名

開口舖 兵二名每名工食四兩零六分六厘


沿古舖 兵二名每名工食四兩陸錢壹分伍厘以上

西路 達永順縣岩屋口舖

楊公舖 兵二名

桐油鋪 兵二名

以上七鋪共兵十四名除沿古鋪永充一名外俱係招募



卷之三

兵防

二十

馬世燿

陶然

教諭
乾隆二年設

字璧文正黃浙江會稽人

旗漢軍由監戶部吏員出

生保舉乾隆身由瀘溪縣

請回籍以病月任乾隆二

鍾人文 陳瑄

字經天號質浙江山陰人

存江西興國監生由沅陵

人拔貢由永縣典史調補

州府寧遠縣乾隆二十七年

調補乾隆二十七年七月任

十年十一月解任

顧奎光

字星五號雙

溪江南無錫

人乙丑進士

由辰州府瀘

溪縣知縣調

補乾隆二十

四年十一月

二十一日任

駐防 附

桑植縣志 卷之三

選舉

胡一鳳

字舟山攸縣

人副榜乾隆

二十年八月

任乾隆二十

四年十月解

任

字

任二十七年

八月卒於官

歐世燁

字 寧遠

人拔貢乾隆

二十八年四

月任

同知

改土時
設建縣
後改為
通判

通判

李珣

鐵顯祖

河南濟源人
舉人以同知

人雍正管通判事雍正

五年任雍正七年十一月

六年解任 月任雍正八年

綏同知

梁燦

正白旗人監
生雍正八年

七月任雍正
十三年陞沅

秩官

桑植縣志

卷之三

州知府

李瑾

雲南河陽人

舉人由永順

縣知縣陞授

雍正十二年

七月任乾隆

四年陞山西

蒲州同知

徐正恩

直隸宛平人

監生由永順

縣知縣題陞

乾隆四年六

一月任乾隆十
一年陞雲南
新興州同知

鮑啟泌

湖北人

由通道縣知

縣題陞乾隆

十一年五月

任乾隆十六

年解任

謝仲燠

廣東陽春人

由衡山縣知

縣題陞乾隆

十六年十一月

桑植縣志

卷之三

秋官

二十四

月任乾隆十
十年解任

方國寶

江南桐城人

由衡州府通

判調補乾隆

十七年十月

任乾隆二十

年去任

溫章元

廣東人

解元由試用

知縣署理乾

隆二十年十

月任乾隆二

十年補安

仁縣知縣

曾文鶴

安徽舒城人
監生田常德
府通判調補
乾隆二十一年
乾隆二十二年
乾隆二十二年
八月憂去

賈慶祚

鑲黃旗監生
由衡州府通
判調補乾隆
二十二年三

桑植縣志

卷之三

扶官

二十五

月任

武秩

守備

雍正八年
分防新谿

協鎮

改土時
設建縣
後裁

分防新街

千總

雍正八年
分防新街

把總

雍正九年
分防本城

楊凱

鈕正巴

陳景元

劉國斌

江南儀徵人
進士雍正五
年任雍正七
年任雍正七
副將永順協

江南蘇州人

澧州人

彙陵人

洪肇周

黃中李宗宇

乾州人

常德人

九雞人乾隆
九年任十八

曾孟宗

汪涵

年任本營十
總

桑植縣志

長沙人

常德人

劉業光

馬仲德

黃漢麟

九谿人

彝陵人

武昌人

李宗明

田世雄

李宗宇

九谿人

武昌人

九谿人

張明聰

鍾玉

九谿人

新州人

魏國

江夏人

新街雍正八年
把總年九谿
分防

卷之三

秩官

二十六

楊一舉
恩施人

劉國斌
彝陵人

李宗昌

九谿人

詹學忠

九谿人

外委

雍正九年
分防
涼水口

王林
汝南人

鄔翼麟
長沙人

趙文恒
九谿人

胡建功
九谿人

桑植縣志 卷之三 秩官

二十七

附錄前代所官姓氏

元

千戶 駐劄安福地

夏昌珪 夏昌璋 以前無考

明

吏目 安福所

譚文錦 萬歷四十年任 朱鴻 江南揚州人 萬歷四十二年四月任

馮志京 山東歷城人 萬歷四十年任 俞文峻 浙江人 萬歷四十年任

史川 任調巴陵典 張九成 陝西延安人 天啟三年九月任

喬洋

陝西富平人天應三年任

周之祥

江蘇州人崇禎六年任調任陳炳翰廣東人崇禎十一年三月任

千戶

千戶所有二安福守禦千戶所係洪武四年設又酉水守禦千戶所今無考

李樵

劉貴

朱國臣

高嵩

劉名揚

朱貴

表楚英

朱綱

王大憲

夏德忠

表勳

劉雋

朱朝

劉寬

高尚忠

高成

高維岳

朱輔

朱胤昌

高亮

桑植縣志

卷之三

秩官

二十八

李之珍

劉瑛

劉恩

朱延詔

袁國臣

李樵自澧志採入劉貴以下二十四人照舊志編錄舊志又載宣德四年裁汰冗員止存千戶三員朱其昌高維岳袁懋功而朱表姓氏不列疑多移漏

百戶

洪武二十二年設

王嘉爵


伍治邦

張國臣

三人俱宣德時人以前無考

按文秩通判佐府治理武秩守備千把屬九路協遙制均非專係一邑然既駐防桑植不可謂非境

內官守故並載入志而以元明所官姓氏附錄焉



泰和縣志

卷之三

秩官

三

土司

今縣兼桑植司及上下崗長官司之地而又以安福所及慈利十四五都割茅岡司地益之當時土民供土司誅求剥膚椎髓困苦極矣設縣以來爾宅爾田出湯火而衽席之山深水險幽幽不覩天日殆十百年忽然耀於光明澤以雨露志土司者非為土司譜紀世裔所以見聲教暨訖之盛而各土司之投誠歸命不俟因壘而降亦兼著其向善之美焉

桑植縣志

卷之三

土司

三十

桑植宣慰司向仲山其先本係蠻夷酋長元末奪梯寇作亂仲山領兵討平之始授宣慰司職約束苗民仲山卒於明初其子思富承襲洪武三年大軍克西蜀檄調隨征六年調征酉州有功七年三月仍授宣慰司舊職頒給印篆並設土經歷土中軍等官受其節度管理桑植土人兼轄施州三里下軍民思富傳子萬成萬成傳不永政調征洪江等處永政傳子寬傳子世英世英傳子經經無子傳弟綬綬傳子仕爵仕爵無子傳弟祿嘉隆間

調征倭寇有功獎賜回司卒後傳子宗政宗政傳子忠和忠傳子承周萬歷三十年隨征播州有功加銜回司卒後傳子一貫調征海賊一貫傳子暹崇禎十三年調赴彝陵協征流賊有功加銜回司暹無子傳弟鼎

國朝順治四年內附授原職頒給印篆鼎傳子長庚曾奉調征古州八萬平後撤兵回司傳子國柱一載病卒傳弟國棟國棟承襲後阻兵安忍土民病之雍正四年土經歷唐宗聖等赴懇總督傳具奏奉

桑植縣志

卷之三

土司

三

旨改土為流摘取印篆以國棟安置河南桑植土司遂
亡

柿溪宣撫司向克武其先亦係蠻夷酋長宋末柿溪苗叛克武奉調勦平以功授柿溪宣撫司職其地即今之上下二周每年納粟糧銀六兩六錢克武傳子萬明萬明無子傳弟萬才萬才卒於元初傳子永通永通傳子世祿世祿傳子天福天福傳子定安定安卒於明初傳子仕德仕德無子傳弟仕金生仲賢仲貴仕金卒後二子爭襲明宣德四年

改宣撫司為長官司而分上下崗為二仲賢分防
上崗即柿溪宣撫司舊治仲貴分防下崗各管土
民分納粟糧三年一次朝覲

上崗長官司向仲賢傳子世雄世雄傳子榮宏榮宏
傳子定邦定邦傳子瑤長瑤長傳子友芳友芳傳

子世奇傳子東忠世奇萬歷三十年調征播州楊
應龍進攻九龍寨之板角凶擒其酋長楊朝棟楊
維棟等敕賜匾額曰欽獎元勳陞授宣撫司回任
卒後其子得祿仍襲長官職得祿傳子國棟崇禎

桑植縣志

卷之三

土司

三十三

間調赴彝陵勦滅流賊有功特加宣撫司職銜回
任其子九鸞襲職

國朝康熙二年內附康熙二十一年頒長官司印篆約
束土苗其子應正早卒傳孫元欽元欽傳子玉衡
雍正十三年請辭職獻土總督邁奏聞奉

旨俞允賞給世襲把總職銜玉衡歿子明圖襲明圖歿
弟明倫襲

下崗長官司向仲貴子世瑛早夭傳孫廣廣傳子勇
勇傳子顯宗顯宗傳子忠葵忠葵傳子天爵天爵

傳子國用嘉靖二十六年調征倭寇隆慶四年又奉調征有功獎賜回司傳子懷忠懷忠傳子德隆萬曆三十年調征播州楊應龍破九龍巖有功賜欽獎元勲匾額回司傳子化龍崇禎十三年調赴夔陵協防守經閣部楊嗣昌給劄加級回司化龍傳子日葵

國朝康熙二年內附十二年吳逆作亂十八年吳逆平始繳偽劄二十三年給下崗長官司印篆約束土苗日葵子應昌早卒傳孫鼎成鼎成傳子梁佐雍

桑植縣志

卷之三

土司

三十三

正十三年與上崗司向玉衡同時獻土並給世襲把總職銜

桑植縣志卷之四

桑植縣知縣顧奎光纂



壇廟

社稷壇在東門外先農壇前相隔七尺南北濶五丈五尺東西濶四丈五尺外圍牆周遭二十丈中臺橫直各寬二丈五尺北向祭器祭品陳設儀注俱有定制歲以春秋仲月上戊日設位二右祀縣社之神左祀稷之神縣同一壇主祭正獻以長官行三獻禮餘官陪祭不飲福受胙改望燎為望瘞

桑植縣志

卷之四

壇廟

一

祝文曰惟神莫安九土粒食萬邦分五色以表封圻育三農而蕃稼穡某恭承守土肅展明禋時屆仲春敬修祀典庶九九松柏鞏磐石於無疆翼翼秋黍苗佐神倉於不匱尚饗頌部

風雲雷雨山川城隍壇一名南壇縣無南門故建於西門外明洪武初令天下府州縣得祀境內山川又令風雲雷雨益城隍合祭一壇歲以春秋二仲月戊日設三神位中為風雲雷雨之神左為本縣境內山川之神右為本縣城隍之神悉南向長官

主祭祭品儀注與社稷壇同惟帛用白色望瘞改
為望燎

祝文曰惟神贊襄天澤福佑蒼黎佐靈化以流形
生成永賴乘氣機而鼓盪溫肅攸宜磅礴高深長
保安貞之吉憑依鞏固實資捍禦之功幸民俗之
殷盈仰神明之庇護恭修歲祀正值良辰敬潔豆

邊祇陳牲帛尚饗

頌部

先農壇在東門外橫直俱寬二丈五尺後為神廟頭
門一座中為正殿東西配房各一間圍牆周道二

桑植縣志

卷之四

壇廟

二

十五丈雍正七年建中設神位一曰先農之神每歲
季春亥日致祭祭品儀注與社稷壇同祭畢更換
蟒袍補服行耕藉禮畢望

闕行三叩跪九頭叩禮

祝文曰惟神肇興稼穡粒我蒸民頌思文之德克
配彼天念率育之功陳常時夏茲當東作咸服先
疇洪惟九五之尊歲舉三推之典某忝膺守土敢
忘勞民謹奉彝章率修祀事惟願五風十雨嘉祥
咸沐夫神麻庶幾九穗雙歧上瑞頻書於大有尚

饗部

常雩壇未建每祭即在社稷壇布殿設座安設神位

三中為縣社稷之神左為先農之神右為境內

山川之神每歲孟夏一舉祭品儀注同社稷壇

祝文曰 某恭膺

詔命撫育羣黎仰體

彤廷保赤之誠勸農勸稼俯維節用資生之本力穡

服田令甲爰頒肅舉祈年之典惟寅將事用申守

土之忱黍稷惟馨尚冀明昭之受賜來年率育庶

桑植縣志

卷之四

壇廟

三

俾豐裕之蓋藏尚饗部

邑厲壇未建每祭在西門外教場坪布殿行禮歲以

清明中元十月朔祭無祀鬼神先期一日主祭官

備香燭詣城隍廟焚牒至期壇上設城隍神位壇

下設無祀鬼神位坊里各一行禮畢讀告文

告文曰為祭祀本縣闔境無祀鬼神等眾事欽奉

皇帝聖旨普天之下后土之上無不有人無不有鬼人

鬼之道幽明雖殊其理則一故天下之廣兆民之

眾必立君以主之君總其大又設官分職為府州

縣以各長之又於每一百戶設一里長以統領之
上下之職綱紀不紊此治人之法如此天子祭天
地神祇及天下山川王國各府州縣祭境內山川
及祀典神祇庶民祭其祖先及里社土穀之神上
下之禮各有等第此治神之道如此尚念冥冥之
中無祀鬼神昔為生民未知何故而歿其間有遭
兵刃而損傷者有死於水火盜賊者有被人取財
而逼死者有被人強奪妻妾而死者有遭刑禍而
負屈死者有天災流行而疫死者有為猛獸毒蟲

所害者有為饑凍而死者有因戰鬪殞身者有因
危急自縊者有因牆屋傾頽而壓死者有遠商征
旅死未歸藉者有死後無子孫者此等鬼魂或終
於前代或歿於近世或兵戈擾攘流移他鄉或人
烟斷絕久缺其祭姓氏泯沒於一時祀典無聞而
不載此等孤魂死無所依精魄未散結為陰靈或
倚草附木或作為妖怪悲號於星月之下呻吟於
風雨之時凡遇人間令節心思陽世魂杳杳以其
歸身墮沉淪意懸懸而望祭興言及此憐其慘憂

故救天下有司依時享祭在京都有泰厲之祭在
王國有國厲之祭在府州有郡厲之祭在各縣有
邑厲之祭在一里又各有鄉厲之祭期於神依人
而血食人敬神而知禮仍命本處城隍以主此祭
欽奉如此令某等不敢有違設壇於城西以某月
某日置備牲醴羹飯專祭本邑闔境內無祀鬼神
等衆靈其不昧來享此祭凡我通邑境內人民倘
有忤逆不孝不敬六親者有奸盜詐偽不畏公法
者有拘曲作直欺壓良善者有躲避差徭耗損貧

秦植縣志

卷之四

壇廟

五

戶者似此頑惡奸邪不良之徒神必報於城隍發
露其事使遭官府輕則笞決杖斷不得號為良民
重則徒流絞斬不得生還鄉里若事未發露必遭
陰譴使奉家並染瘟疫六畜田產不利如有孝順
父母和睦親族畏懼官府尊守禮法不作非為良
善正直之人神必達之城隍陰加護佑使其家道
安和農事聚順父母妻子保守鄉里我等闔邑官
吏如有上欺

朝廷下枉良善貪財作弊蠹政害民者靈必無私一

體昭報如此則鬼神有鑒察之明官府非諂諛之祭尚饗

告牒式附永順府桑植縣為祭祀本縣闔境無祀鬼神等事欽奉

皇帝聖旨

此下照告文填入

依時享祭命本處城隍以主此祭

鎮控壇場鑿察諸鬼等類其中果有生為良善死遭刑禍死於無辜者神當達於所司使之還生中國來享太平之福如有素為克頑身犯刑憲雖獲善終出於僥倖者神當達於所司屏之四裔善惡

桑植縣志

卷之四

六

之報神必無私欽奉如此令某等不敢有違謹於某年某月某日於城西設壇置備牲酒羹飯享祭本縣無祀鬼神等眾然幽明異境人力難為必資神力庶得感通今特移文於神先期分遣諸將召集本縣闔境鬼靈等眾至日悉赴壇所普享一祭神當欽承

敕命鎮控壇場鑿察善惡無私昭報為此合行移牒請照驗施行

二文明洪武年頒式

武廟在縣城西隅雍正五年設縣治邑人張宏毅

同姪崇周仕周捐基初造雍正七年改建前殿三
間左右廊房各五間後殿三間祀帝曾祖光昭公
祖裕昌公父成忠公但設木主不書名諱東西廂
房各一間歌舞有樓頭門有坊每歲春秋二仲丁
後一日一祭五月十三日聖誕一祭前殿用牛羊
豕各一帛一邊豆十後殿羊豕各一帛一邊豆八
儀注同文廟

祝文曰惟帝浩氣凌霄丹心貫日扶正而統勳信
義威震九州完大節以篤忠貞名高三國神明如

在徧祠宇於寰區靈應丕昭薦馨香於歷代屢徵
異蹟頭佑羣生恭值嘉辰遵行祀典延陳邊豆几
奠牲醪尚饗部

後殿祝文曰惟公世澤貽庥靈源積慶德能昌後
篤生神武之英善則歸親宜享尊崇之報列上公
之封爵錫命優隆合三世以肇禋典章明備恭逢
諏吉祇事薦馨尚饗部

城隍廟明成化間肇建在今縣治東門內雍正七年
設縣重修正堂三間神像居中旁有兩廡前有儀

門中有歌舞樓從有寢室門有坊外有墻乾隆九年邑令潘曙重修二十四年邑令鍾人文重修廟中無特祭每歲春秋仲月從祀南壇位次山川之右三主屬祭位居壇上廟有香田尚家坪水田二坵田名大沙坵小沙坵計種五斗係張君相捐施火神廟未建向在南門城樓設像供奉亦無祭祀僅於每月朔望行香一次乾隆二十一年七月內奉前巡撫陳檄飭火神春秋兩祀應一體舉行祭費銀兩各屬自行捐備辦理併頒發事宜冊及會典

桑植縣志

卷之四

壇廟

八

定式祝文到縣始舉祀典每年春秋三祭於祭閱廟日舉行各屬自行定期祭品儀注同南壇

祝文曰恭惟尊神正位離明體陰用陽配坎福民有功民社祀典崇新茲屆仲春敬薦豆馨惟望神靈默佑心曠神怡秋報懷柔之聖世下錫康吉於蒼生剗牲酌酒神其鑒此一誠尚饗

土地祠在縣署頭門內

水府廟在西關外酉水之旁明洪武間創建天啟七
年被水崇正七年重建

馬王廟在東門內城隍廟右側雍正十年建

寺觀附

觀音寺在南城內最高處修篁曲徑雖在城市出寂

如山林明洪武初建康熙三十七年重修

佛閣晚鐘

邑令鍾人文

山城如斗太名藍肅道場高閣凌霄霄構何輝

煌市靜人無譁月明漏正長破空一聲鐘豈云夜

未央驚覺夢中人起坐看晨光憶昔上玉階聞

鐘號景陽仰蒙

聖明過作吏來楚疆夙興戒逸志清慎凜官常及此

聽鐘鳴深省願無忘

觀寺音

梁溪楊鴻觀

楚塞新分一彈丸招提高占古峰端總含山郭朝

桑植縣志

卷之四

壇廟

寺觀

九

篆和梅檀

聖朝甘露敷南紀說法遠應現宰官

迎恩寺縣東五里即古擎天觀明永樂元年創建康

熙四十一年重修

擎天古觀

訓導龍起羣

古觀構何年崔嵬連碧落高處暮雲寒松抄闥歸

迎恩寺

梁溪顧敏恒

偶尋蕭寺去着屐上崔巍野菊花初放秋林葉正

佛機

大泉寺縣東二十里袁家坪明嘉靖二年建康熙二

十六年重修

朝陽寺一名牛路隘菴縣東四十五里陳家坪明崇正十一年建

崇峰寺縣東四十三里鍾家村康熙四年建

南嶽寺縣東五十里竹園坪崇正元年建

龍山寺縣西一百二十里新司城其創建年月不可

考

龍山煙雨

淋漓墨色古城東欲比襄陽畫更二草木已承新
雨露雲山猶是舊鴻濛參差屋影垂楊外歷落泉
聲亂壑中寂寂客心遙對處一庭芳草落花風

太平寺縣北二十五里田兒壩明萬歷二十二年建

桑植縣志

卷之四

寺觀

十

訓導陳天拔香田記稱其山水秀異院宇清幽

龍顏寺縣東北二十里周家峪康熙二十二年建

迴龍寺縣東北十八里安福溪康熙二十五年建

新發堂縣北三十里趙官溪康熙間建

鳴鼓山菴在南岔縣西北十五里康熙六十一年建


駐龍觀在赤溪縣西南七里明成化間建乾隆十四

年重修其地多猿四時啼聲不絕

玉皇閣在何家坪縣東五里明崇正間建雍正十三

年重修

迎龍閣在陳家坪縣東四十五里康熙二年建



秦直隸志卷之四

寺觀

十一

墳墓

安安所吏目朱鴻墓在城東三里馬營峪
土宣慰司向仲山墓在陶家坨
土長官司向克武墓在上崗司署後

附

義塚八處

城東

高埠溪

城南

新司城

陳家坪

羅峪

下崗

風俗

地處邊徼民椎魯築室用木植編竹誅茅取蔽風雨
而止間有磚牆亦覆瓦瓦即着椽不承以磚故易
漏衣服布素器用簡樸宴會有節風頗近古
簡多弦誦聲諸生習尚質樸有古橫徑負耒風亦
多自好童子文頗尚理法較他邑為優然一青其
矜輒意滿矣

農民勤耕作無奇贏可挾力田種山外鮮逐末其息
不蕃蓋藏亦寡

桑植縣志

卷之四

十三

土著之民不佃匠作所需木石銅鉄等工多自桃源
蒲圻辰州來者

土無出產河道險隘不通運販惟常德江石間有受
厘此地者土人肩負懋遷謀朝夕而已

桑俗嫁娶男家講媒求婚女家既諾授年唐筮之告
各書庚帖媒傳送男女互執曰傳唐繼送叙幣於
女家曰定親將娶預擇吉期報女家謂之報日嫁
娶時具猪羊酒果首飾衣服用鼓吹致女家謂之
下財女家具粒奩馬牛送男家謂之賠送貧者畧

為親迎禮不行惟士家間行之娶婦前一二日為子命字女子過聘時行上頭猶有冠笄遺意

桑植喪祭親戚奠疇裂布帛答之發引曰所徑處亦設路祭惟編民信鬼師巫份若而畧於慎終哀戚之禮若墓地山向年月亦尚之形家但不至過信陰陽久淹親柩俗鮮宗祠清明至墓祭掃中元焚楮於家十月朔亦祭墓

邑無遊手城內鄉間無茶坊酒肆

桑地險塞土人以物行遠者不任肩而任背編竹為

桑植縣志

卷之四

風俗

十四

籠上寬下窄可容數斗旁有兩耳貫以臂負之而行曰背篋甚便捷

桑俗婦女勤儉耐勞苦不裹足男女並耕飼蚕紡綿兼習縫紉但不工勅繡歲時親戚餽遺用粘糕或米花甚簡儉

土民素淳樸有垂老不見長使者設縣初幾於無訟近則辰常岳澧各府州民多移家於此躍治者因雀之嫌輒興訟端然能先事禁戢復加懲創則亦不敢大肆為善良之靈至戶婚田土之爭或遇

鄉黨排解即止不

亦鮮興大獄者

節序附

元日晨興肅衣冠拜天祖畢以次拜父母尊長謁親朋鄰里互相款留如是浹旬土民賽神擺手為鞦韆之戲至十六日止

立春觀土牛以牛首紅白等色占水旱諸類以勾芒鞋帽占寒暑晴雨家貼宜春字

人日剪綵為勝貼於屏帳亦戴髻邊

元宵剪紙為花燈或製龍燈扮演樓臺故事街衢鼓

桑植縣志

卷之四

風俗

十五

吹喧闐徹夜不禁

社日鄉村結綵賽會具牲醪於樹下祭畢享其胙農家是日浸種

清明折柳插簷男女並戴柳圈亦登壠祭掃

四月初八日為浴佛日採楊桐諸葉造青飯餽遺親戚即杜詩青精飯也又以硃書遣毛蟲字貼壁上令屋瓦不生毛蟲

端午懸蒲艾於戶食角黍飲菖蒲雄黃酒

六月六日曬衣及書籍

中元先晚焚香候祖考是日具牲醴化夜
聚飲 家人

中秋以月餅 餉設酒果賞月

重陽飲茱萸酒啖菊花糕間亦有登高者

冬至祀祖先拜尊長略如元旦

臘月二十四日為小年掃舍宇祀竈

除夕易門神桃符書貼老幼羣聚圍爐宴飲鼓吹爆
竹達旦日守歲

人物



志循良一人曰張令東義民所稱道也餘或無可稱或生而存例不得為傳也邑之良志孝子一人曰張顯朝又得義行十餘人於婦女得節烈七人夫部婁無松柏固也然昔者禹見耕者五耦而式過十室之邑必下為東德之士存焉邑雖小寧敢侮之且君子之善善從長以觀來者

循良

張東義山東膠州人拔貢生雍正十一年任政廉平

桑植縣志

卷之四

人物

十七

乾隆初議以慈利十四五都歸桑植東義請以兩溪木匣馬合三口為界持議甚力自是糧數地界始分復請設義學以教士子興廢舉墜東義為多乾隆五年陞任去

設縣之初創始者連令際穎也建造規模苟簡速成無可稱焉東義之後親勘定三口界者為潘令曙修書院以課士製筒車以教農者為鍾令人文皆於民有勞應附書

孝義

張顯朝父世爵早歿母王氏病篤顯朝禱於神願以身代月餘夢神告以治療法覺後引刀剖股肉調

藥進母旋愈顯朝亦無恙後以壽終未請旌

古孝子一人舊志所載者孝始百行而桑植設縣未久土民客戶首宜教以人倫故傳顯朝莫為敦孝弟者勸焉

鍾明睿桑植人本慈利十七都初慈利十四都十七

都地逼近桑植司數被侵掠明睿糾率鄉民悉力

守禦殺其舍把余五等桑植司始不敢為寇里民

德之與劉明時並稱義士

劉明時桑植人本慈利十都慈利十二都十三都地為

茅岡王司單應品所佔已十餘年時慨然曰非

桑植縣志

卷之四

人物

六

赴

闕陳情無如彼何乃舍孥鬻產之京師控於兵部康

熙八年部檄下湖北巡撫林天擎委文武員弁檄

應昌出對狀應品具服因以二都地還慈利縣令

沈頤旌之曰功同關土

向國相字廷卿土宣慰向長庚子兄國棟虐國相奉

母避居慈利改土後乃還國相事母孝治家嚴子

五人俱諸生

向國佐字廷臣土知州長厚好讀書為土人所愛雍

正五年典土經歷唐宗聖赴武昌投誠既設縣
司奏授把總銜以壽終子大誥大謨大訓皆修謹
向國棟字廷輔典國相同母而國棟異母弟也國棟
戍兄國柱而奪其官忘國相及國梁并出人反誣
以罪將藉容美兵殺之國梁兄弟走得脫詣巡撫
訢事得白復歸桑植國棟不敢害也改土初經營
安輯國梁有勞焉

向國炳字廷章國梓字廷材皆不附國棟而率先投
誠者與國梁俱授把總銜

桑植縣志

卷之四

人物

十九

唐宗聖字學孔土經歷也見國棟虐規之不納乃與
土知州向國佐土中軍向朝先等五人潛出投誠
羈留武昌得改土設縣乃歸嗣後各土官相繼納
土由宗聖始臺司為奏授把總銜子德權

唐德權字秉政有勇力能撫馭土人常赴胡北泊江
濱見幼童墮水其母救不及亦投水德權躍入江
挈母子以出其家餽之金却不受改土初官民相
疑德權父子開誠宣諭乃服弟德教亦恂謹與德
權子仁心輩猶同居

向朝先土中軍性簡直治兵嚴然愛人興唐宗聖等
率先清政土官者也

向鼎暹下崗長官司梁佐再從父母土官副印深沉
有智鄰司憚之獻土後杜門觀書以壽終

張文儒茅崗土司千總也治苦竹河泥南湖塔赤溪
諸地善撫馭軍士晏然茅崗司既納土文儒請以
共地歸桑植氏便焉

王良藩十四都人雍正七年設縣慈利之十五都歸
桑植常德通判朱燕會諸邑令定疆界清稅糧良

桑植縣志

卷之四

人物

二十

藩力為多急公好義鄉里稱長者

鍾國品節儉好義時茅崗司數出投掠國品糾鄉人
禦之有族人仕遠父子為所掠國品贖而歸之且
養之仕遠感其德終身不去也子仕上有學行為
鄉里所師孫臣南克皆貢生

向大儒字鳴世國相之子居家孝友謙謹寡言為諸
生屢以優行舉

何大觀字乾五端謹知文章工人多師之子祖衡諸
生

補

王再第十四都人與劉明時同控部釐正疆界者其
孫維選錄碑文來載當時事頗核尚有谷再芝鍾
再任云

謝啟洪字禹臣端謹年八十不入城市精幼科治嬰
孩甚衆鄉里德之子正勳及孫俱諸生

涂正義字子才樸厚人也前邑令皆旌之子高相國
學生

節烈

谷氏向鼎妻順治十一年鼎夫婦為流賊所掠氏有
色款污之不送大罵觸石死賊乃釋鼎有武弁嘉
其烈棺斂之

向鼎志利十五都人今
隸桑植從舊志載之

尚氏向允先妻元先歿遺三女氏時年二十六守節
三十二年為元先立後女皆遣嫁乃卒

羅氏毛豐妻豐歿時氏年二十五豐有父老矣氏守
節事翁孝翁亦歿依其父居其遇舅姑與夫忌日

桑植縣志

卷之四

節烈

三

必哀祭焉

蔣氏蕭國榜妻年十六歸蕭九年而寡家故貧氏紡
績以養舅姑而教其二子母家諷以再適氏曰有
二孤在奈何去之竟撫孤成立乾隆二十五年

詔旌建坊於門

許氏余中遂妻中遂歿時長子三歲次遺腹生氏誓
不嫁典孀姑相守貧弗悔也

鍾氏程尚妻年十四適尚生三子二女尚歿守志教
子以織代耕治家甚整飭

李珍秀桃源人隨父萬忠居於桑年十五有容色母命往山坡摘秦椒萬忠養子王正玉尾其後欲強污之珍秀不從正玉忿取刀殺珍秀亦自刎邑令以聞部議請旌乾隆二十二年三月奉

旨給帑銀建坊崇祀節孝祠

今坊在學宮右

熊氏諸生劉國軻妻年二十三國軻歿氏以勤儉能持其家教子孫有法度

王氏謝啓洙妻年二十二而寡氏守志有賢行鄉黨稱之

桑植縣志

卷之四

節烈

二十二

彭氏 啟禪妻啟禪歿時氏年二十四事孀姑孝順撫孤亦成立

陳氏劉坡賢妻坡賢歿遺孤五歲氏撫之無他志今孤子士鐸為諸生矣

以上俱未請旌

谷氏劉啓漢妻啓漢歿氏年二十二孀居數十年事翁國福以孝聞子英賢為人循謹亦氏家教也

土產

邑無殊產志稻與包穀重民食也茶與炭諸類志其多者山牛飛虎諸類志其罕者餘無不必志也沈存中補筆談辨零陵本無香田鈴鈴香而誤邑令桑植而云產桑寄生殆與零陵香何異俗語不實流為丹青信夫書云不貴異物賤用物夫邑產焉用異物為哉

稻桑邑皆山其可種稻者曰水田較山地不能什一播時後全資雨露勘灌溉之功成穀亦速六月中

桑植縣志

卷之四

土產

二十三

可食新矣復有陸林陸航陵阜可植獨不產麥所食麥麵必市之永定山地則種雜糧高山大坡悉犁為田故糝子高粱小朱秋蕎黃豆之屬倍於穀而包穀尤甚

包穀一名玉米山谷間徧種之至秋成熟每石價不足當粟米之半山農藉為糧兼以作酒能販給他境

芝麻

木棉邑中所產可給本境織成土布潤尺五六寸皆

楠有白楠有香楠伐置山谷間俟山水發始順流下
然空澗蛀裂者多良材甚難得也

黃楊有水旱二種水者無用其旱者取為盤匝色似
象牙可愛

炭出山甚富有黑白二種黑者質鬆易燃白者質堅
少而貴畚刀溝高埠溪唐家灣四方山牛咸泥鴉
果山熊家坪鍾家灘等俱有炭廠皆黑炭也近今
墾山者眾群山且童薪炭漸盡矣

杜宇一名子規俗呼為陽雀李供奉詩云楊花落盡
桑植縣志

卷之四

土產

二十四

子規啼若桑邑杜鵑鳴最早不待楊花發後也

苦鳥一名姑惡諺云苦鳥所集其家不吉故無捕者
黃鸞

飛虎狀如蝙蝠重十餘斤紫毛生深林中能飛

山牛肉半縣有之岐角雌角無角眉目間有孔深

尺許俗呼為夜光眼其皮可為寢席夏涼冬溫筋
肉俱可食

虎豹改土之初頗多近今山地悉為田漸少近鶴峯
宣恩等處間有之

鹿似虎而小無角

麝一名香獐

猿居巖洞中善竊赤溪尤多

陽魚產七眼泉春乘陽出秋乘陰入黃色細鱗止洪

家灘止罕入城者

鮎魚產於鮎魚泉應雷而出重數十觔

油魚細鱗長五六寸

石鯽鯽屬之巨者味與魴相似產溪澗中喜近石故

名

桑植縣志

卷之四

土產

二十五

銅產彭家山鐵產涼峯界酸子界乾隆五年俱曾試
採後恐聚集滋事故禁之

鉛產歷山土司時開採令砂亦不旺

粗厚

靑靛於水次隙地糧之所衣布帛不假染局

崗茶桑邑所產多於永順龍山保靖三邑味頗厚殼

雨前摘取細者亦名槍旗惜土人不諳製法藏度

弗良柴烟烘焙損其味矣

崗菌生深山朽木上緣改土以前地廣人稀林木蒼

鬱近今生齒日繁力田益衆遂縱斧斤弃之山谷

間朽則產菌味與浙產相埒

地龍一名連環葉似紫草莖青根可食累如貫珠或

桑植縣志

卷之四

土產

二十六

以蜜漬之

黃連內半縣居民擇深山冷峽間種之三年可采功

用不及川產

通草大葉肥莖叢生山地平原俱有之永定人切製

成紙大者盈幅可供書畫

白芨

牛膝產山中長大肥潤者良

蕨薇屬葉似黃連初生時可食居民取根為粉曰蕨

粉詩云陟彼南山言采其蕨是也

雜記

前漢書地理志元西原山西水所出南至沅陵入沅
行千二百里今水出桑植鶴峯慈利三邑交界之
橙子界者由大泉坪下會澧水東流入澧州歸洞
庭不得南至沅陵入沅是別一西水也如澧州志
於永定縣載武溪註云出瀘溪經大庸城東大庸
即今永定衛而武水出瀘溪縣西之武山山武口
洲徑入沅水安得復由大庸城乎水道非親歷不
詳不可臆度

桑植縣志

卷之四

雜記

二十七

朱鴻江南揚州人明萬曆四十二年任安福所吏目
寬仁愛民其廳事有聯云鄉下有田宜早種所中
無事莫頻來三年歿於任民戴之今其墓在城東
三里馬營峪又有馮志京者山東歷城人繼鴻之
後仁而明無敢以私干者調巴陵典史去下吏有
遺愛不可沒也

明天啟元年城中數被火居民見赤烏啣火置茅屋
上扇以翹火即發所官穰之災稍息是年九月大
雪河水舟不通鹽躑貴每包價至一兩二錢

崇正二年四月晝晦雨雹大如掌小如雞卵深尺許
壞苗是年病疫

此二則出安福舊志從鍾志中采之可入災異但
志為縣志則設縣後之權異方得書故入雜記中
距城二十餘里之彭家山產銅雍正八年前令連際

穎請開採旋封禁乾隆四年邑民復請開采臺司
允之然一歲中用銀一千餘兩纔得銅一千五百
餘觔官以二八抽分解銅三百觔耳銅砂不旺商
人多折閱故不可繼

山中多硝洞其著者有者果寨前窟洞寶保洞澤巖

桑植縣志

卷之四

雜記

二十八

洞泉峪洞其餘小洞尚多取洞中土以水瀝之熬
而成硝然下多石土盡則止矣異時奸民闖入為
私硝官捕之輒逃居苦之然亦必聯屬本土人
乃敢潛匿此最累於善良不可不嚴懲者

邑之歷山及卧雲界涼風界上崗下崗紅砂溪黃蓮
溪諸處皆產錫礦前因新設縣恐開冶鑄啟爭端
故禁之今冶鑄皆在永定而炭則資於桑邑民需
鐵買自永定價反貴重桑植之山以供永定冶鑄
之利而農工雖有炭與礦莫敢治而為銍者是懲

噎廢食也

邑城內有四境景曰佛閣曉鐘風清鐵井嵐護山城
北樓望釣城外有八景曰大泉雲雨擎天古觀南
山伏虎勝巖朝霞陡潭漁唱峪口樵歌赤溪猿嘯
鷲嶺天池觸景攬景原無成式題必限字數必取
盈以此排比溪山摹印風月固未能免俗矣新街
八景則有鳳嶺朝陽龍山烟雨古寺晚鐘渡口乘
楊官潭夜月鐵華晴嵐五雲霽雪夾石流泉並錄
存之若偶爾拈題固無不可

桑植縣志

卷之四

雜記

二十九

澧州志載洪武二十二年石門土蠻夏得忠

夏克武子誘

九溪尚蠻復叛襲破慈石二縣上命靖寧侯葉昇
同征南將軍東川侯胡海帥師十萬往征師渡九
溪大庸天火嶺六古卑洞擒獲蠻酋夏六古虎等
械送京師得忠既誅置九溪永定二衛而鍾志云
洪武二十二年千戶夏昌珪子得忠潛誘九溪蠻
為寇上命師勦平開創城池與澧志小異夏得忠
一以為千戶以一為土蠻一云夏克武子一云夏
昌珪子未知孰是

桑植縣土司向國棟之得罪也與保靖土司彭御彬同在雍正之五年上崗長官司向玉衡下崗長官司向良佐之獻土則在雍正十三年與茅岡土弁覃純一大刺土弁彭御信同時桑植司地陋而瘠不如永順容美然介居脊脊間實為要害肇槐內屬曼如伏辜桑植司雖微國棟亦難孤立况加以殘虐乎玉衡良佐等本安靜無過向化投誠亦知機之哲也

土司署本在舊司城制簡陋至康熙五十八年向國

桑植縣志

卷之四

雜記

三十

棟別於新街建衙署稍宏敞然未落成而已內變國棟未嘗安居也今為九谿營守備行署或云其廳樓皆楠木為樑柱其實非也

土司屬有土知州土中軍土經歷桑植司本九谿營調遣凡文書俱移會土經歷土司自稱曰本爵士民稱之曰爵爺其土民分屬各旗生男女輒報名書於冊長則當差賦歛無名刑殺任意或抄沒其家資或縛而鬻之境外為奴婢俗云土司殺人
不請 肯親死不丁憂故土民畏之

土知州有三曰安定州龍潭州化被州長官司有六
有名無地皆土司自署置土中軍止一人其下分
十四旗四東旗西旗南旗北旗神旗雲旗先旗順
旗威旗龍旗虎旗戎旗宗旗客旗每旗有總旗管
之所領或百餘人或數十人用則為兵散則為農
土人有罪小則土知州治之大則土司自治若客
戶過犯則付土經歷以經歷為客官也
上崗長官司及下崗長官司俱服桑植司調遣然不
受署置亦互結姻戚典其所置長官司異

桑植縣志

卷之四

雜記

三十一

土司及土知州諸職皆自有山及田役佃戶種之佃
戶者皆其買人如奴僕然土民則自畊所其土土
司如有橫歛則責人旗頭按戶索之其役使亦無
時

土司出其儀衛頗盛土民見之皆夾道伏即有譴責
誅殺惴惴聽命莫敢違者然向時土司猶能撫恤
其土人至國棟則暴恣甚民不堪命於是相率赴
愆而數百年之世職亡矣

土官以宣慰司為最尊安撫司次之宣撫司又次之

而安撫宣撫於宣慰不相統屬

永順保靖桑植容美為四大土司而容美最強桑植
接客美亦能敵之後乃結好向國棟之恣睢亦效
田是如而然是如逆父國棟戕兄其覆宗宜也

縣西北一百二十里有大巖屋寬布數十席石壁有
黑書山高水長億萬斯年八大字相傳容美桑植
二土司尋盟於此書之

邑令張君秉義治桑八年以最擢去有留別士民詩
云鹿鹿風塵歲幾更簡書初下被恩榮勞心愧我

桑植縣志

卷之四

雜記

三十二

縻升斗腹鼓同民樂太平手種青松皆及拱眼前
赤子盡成丁臨岐眷眷無他語秀者詩書樸者耕
詩雖質而藹然可風也

永順志載猛洞河自桑植中建司發源通王村大河
然中建司非桑植所屬

離縣城不三里為高家坪即酉水所舊墟舊志宣德
四年裁汰冗員存千戶三朱其昌高維嶽袁懋功
令軍籍中朱高等姓尚多

嬉蛛緣壁而行俗名壁嬉周櫟園先生書影載高康

生二十許時見一大者伏門後枋柱間晚以燈行
觸之虫促縮蹲踞隆起木上可半寸是年家遇火
灾未知是虫之應否記此以供好異者採錄桑邑
蟪珠類大如蠐隆起木上奚止半寸高君特少見
多怪耳

乾隆十八年三月有訛言自惹永來云官選秀女城
鄉傳播有女家競送女就婚官諭禁之不能止此
諺所云天婚者耶

乾隆二年六月大水衝去城外先農壇十三年六月

桑植縣志

卷之四

雜記

三

水漲東陳岡等處沙擁水田二百畝有奇然皆不
為灾蓋桑邑畏旱若雨多水漲亦旋消洩不足異
也

